

STENOGRAM
SEDME RADNE SJEDNICE SKUPŠTINE KANTONA SARAJEVO
ODRŽANE 19.04.2023.GODINE

Elvedin Okerić (Predsjedavajući)

Otvaram Sedmu radnu sjednicu Skupštine Kantona Sarajevo. Himna Bosne i Hercegovine.

(predsjedavajući govori bez mikrofona)

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice. Svima nama želim uspješan rad i radnu atmosferu.

Prema evidenciji službe, sjednici prisustvuje 28 zastupnika, što je dovoljan broj za punovažan rad i odlučivanje. Izostanak s ove sjednice pravdala je zastupnica Sanela Klarić.

Prije prelaska na utvrđivanje Dnevnog reda imam obavezu upoznati vas da je na osnovu Odluke Centralne izborne komisije BiH, broj: 06-1-07-1-135/23 od 05.04.2023.godine, Kristini Petrović, sljedećoj kvalificiranoj kandidatkinji sa liste političkog subjekta SDP – Socijaldemokratska partija Bosne i Hercegovine za Opće izbore 2022.godine, dodijeljen mandat zastupnika u Skupštini Kantona Sarajevo.

U skladu sa članom 8. Poslovnika Skupštine Kantona Sarajevo, pozivam uvaženu zastupnicu Kristinu Petrović da pristupi davanju svečane izjave.

Molim zastupnicu da položi Svečanu izjavu na sljedeći način: ja ću tekst čitati, a vi ćete ponavljati.

Svečano izjavljujem.

Kristina Petrović (poslanik/zastupnik)

Svečano izjavljujem.

Elvedin Okerić (Predsjedavajući)

Da ću u povjerenu dužnost obavljati savjesno.

Kristina Petrović (poslanik/zastupnik)

Da ću povjerenu dužnost obavljati savjesno.

Elvedin Okerić (Predsjedavajući)

Pridržavati se Ustava i zakona Bosne i Hercegovine.

Kristina Petrović (poslanik/zastupnik)

Pridržavati se Ustava i zakona Bosne i Hercegovine.

Elvedin Okerić (Predsjedavajući)

Federacije Bosne i Hercegovine i Kantona Sarajevo.

Kristina Petrović (poslanik/zastupnik)

Federacije Bosne i Hercegovine i Kantona Sarajevo.

Elvedin Okerić (Predsjedavajući)

Zalagati se za ljudska prava i slobode.

Kristina Petrović (poslanik/zastupnik)

Zalagati se za ljudska prava i slobode.

Elvedin Okerić (Predsjedavajući)

I u svim prilikama štiti interese Bosne i Hercegovine.

Nepoznati govornik 3

I da ću u svim prilikama štiti interese Bosne i Hercegovine.

Elvedin Okerić (Predsjedavajući)

I Kantona Sarajevo.

Kristina Petrović (poslanik/zastupnik)

I Kantona Sarajevo.

Elvedin Okerić (Predsjedavajući)

Federacije Bosne i Hercegovine.

Kristina Petrović (poslanik/zastupnik)

Federacije Bosne i Hercegovine

Elvedin Okerić (Predsjedavajući)

i ravnopravnost naroda i građana koji u njoj žive.

Kristina Petrović (poslanik/zastupnik)

I ravnopravnost naroda i građana koji u njima žive.

Elvedin Okerić (Predsjedavajući)

Ovim ste položili Svečanu zakletvu. Ja vam čestitam u ime Skupštine i u svoje lično ime.

Kristina Petrović (poslanik/zastupnik)

Hvala.

Elvedin Okerić (Predsjedavajući)

Prelazimo na radni dio sjednice.

Na osnovu članova 72. i 73. Poslovnika Skupštine Kantona Sarajevo, Kolegij Skupštine Kantona Sarajevo je na sjednici održanoj dana 06.04.2023.godine utvrdio dnevni red, a isti je dopunio na sjednici Kolegija održanoj dana 14.04.2023. godine.

Dnevni red današnje sjednice. Prijedlog dnevnog reda današnje, 7. Radne sjednice, glasi:

1. Poslanička/zastupnička pitanja inicijative i odgovori;
2. Verifikacija odluka Odbora za javna priznanja Kantona Sarajevo za 2022. godinu;
3. Prijedlog Odluke o izmjeni naziva ulice, odnosno preimenovanje ulice, na području Općine Novo Sarajevo;
4. Prijedlog Odluke o davanju naziva cesti, na području Općine Stari Grad Sarajevo;
5. Prijedlog Odluke o davanju naziva dijelu ulice na području Općine Centar.
6. Prijedlog Odluke o imenovanju Etičkog vijeća Skupštine Kantona Sarajevo
7. Prijedlog Odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo
8. Program obilježavanja Dana Kantona Sarajevo od 02. do 09.05.2023. godine

Molim zastupnice i zastupnike da se izjasne o predloženom dnevnom redu.

Zaključujem glasanje. Molim službu da objavi rezultate glasanja. Za je glasalo 28 zastupnika, protiv ništa, suzdržanih ništa.

Konstatujem da je Skupština za Sedmu radnu sjednicu Skupštine Kantona Sarajevo usvojila Dnevni red, kako je i predložen.

Prije nego što pređemo na realizaciju prve tačke dnevnog reda obavezni smo da razmatramo Zapisnik sa stenogramom sa Pete radne sjednice Skupštine Kantona Sarajevo, koji vam je dostavljen uz poziv za sjednicu.

Da li ima određenih sugestija, primjedbi?

S obzirom da nema sugestija i primjedbi, molim vas da se izjasnite o Zapisniku sa Pete radne sjednice Skupštine Kantona Sarajevo.

Zaključujem glasanje, molim službu objavi rezultate glasanja. Za je glasalo 29 zastupnika, protiv i suzdržanih nije bilo.

Konstatujem da je Skupština potvrdila Zapisnik sa Pete radne sjednice Skupštine Kantona Sarajevo održane 24.03.2023.godine.

Prelazimo na prvu tačku dnevnog reda.

AD-1.

Poslanička/ zastupnička pitanja, inicijative i odgovori

Sada je 11 i 37. Znači u narednih sat vremena imamo poslanička/zastupnička pitanja, inicijative i odgovore.

Prva za riječ se javila zastupnica Fatima Gavrankapetanović- Smailbegović. Izvolite, imate riječ.

Fatima Gavrankapetanović-Smailbegović (poslanik/zastupnik)

Zahvaljujem se. Poštovani predsjedavajući, dopredsjedavajući, članovi Vlade, kolege zastupnici, ja imam dva pitanja za ministra zdravstva, profesora doktora Harisa Vranića. Prvo pitanje je kada će se raspitati konkurs za specijalizacije čije je financiranje uvršteno u budžet i da li postoji mogućnost da određeni broj specijalizacija finansiraju općine i Zavod za zapošljavanje? Drugo pitanje je da li se može definisati ili eventualno doraditi zakonska procedura po kojoj bi ljekari opšte prakse mogli se zapošljavati i u druge javne zdravstvene ustanove kao sekundarci, a ne samo u Domove zdravlja i Hitnu medicinsku pomoć? Znamo da Domovi zdravlja i Hitna medicinska pomoć ne mogu primiti sve ljekare koji su sada na evidenciji Zavoda za zapošljavanje, trenutno ih ima 91. Ako im se omogući da budu primljeni u druge zdravstvene ustanove, to bi bilo od velike pomoći u procesu rada, stekli bi potreban staž za specijalizacije i, što je najvažnije, ne bi trebali tražiti zaposlenje van granica naše zemlje. Zahvaljujem se i tražim usmeni odgovor.

Elvedin Okerić (Predsjedavajući)

Zahvaljujemo se zastupnici Gavrankapetanović-Smailbegović. Za riječ se javio zastupnik Damir Marjanović.

Damir Marjanović (poslanik/zastupnik)

Zahvaljujem predsjedavajući, pozdravljam sve kolegice i kolege, kao i one koji prate Skupštinu Kantona Sarajevo. Pokret za Nove Generacije je mlada ekipa, momci, djevojke iz Pokreta su pripremili za danas par inicijativa, te inicijative idu od diapazona za izradu digitalne brošure o načinu postupanja stanovnika Kantona Sarajevo u slučaju otuđenja ili gubitaka lične dokumentacije, preko pojačane kontrole saobraćaja kroz ulicu Alipašina i obezbjeđivanje veće sigurnosti pješaka, ali i vozača koji svakodnevno koriste ovaj putni pravac, pa do toga da se treba riješiti česti i kontinuirani problem nedostataka citostatika za onkološke pacijente. Tako da s druge strane sugeriramo i imamo inicijativu vezano za reviziju Programa mjera aktivnih politika zapošljavanja sa ciljem analize moguće zloupotrebe programa, kao i jednu jako bitnu inicijativu besplatno liječničko osiguranje za perspektivne sportiste, tj reprezentativce i predstavnike države u svim sportovima koji dolaze s područja Kantona Sarajevo. Kao što vidite, nabrojao sam te inicijative, ali detaljnije ćemo se osvrnuti na jednu jako bitnu inicijativu. Tražimo da Skupština Kantona Sarajevo u suradnji sa resornim ministarstvom imenuje komisiju koja će utvrditi zdravstvenu i higijensko stanje štíćenika, kao i kapacitiranost stručnih kadrova za evidentirani broj štíćenika u Zavodu za zbrinjavanje mentalno invalidne djece i omladine Pazarić. Znamo da je to pod federalnim nivoom, ali Kanton Sarajevo ima svoje određene ingerencije i financiranje. Ima puno pravo da ispita trenutnu situaciju koja, prema našim informacijama sa terena, je daleko od onoga što bi se moglo reći zadovoljavajuća. Normalno, ove inicijative ćemo dostaviti pisano putem e-maila već u narednih 5 do 6 minuta. Uporedo s ovim inicijativama postavljamo 3 pitanja. Prvo pitanje je na osnovu kojih istraživanja se može potvrditi da Nacrtom privremene odluke propisane mjere zaštite osiguravaju bolju zaštitu izvorišta u odnosu na one koje su do sada važeće i važe za zaštitu izvorišta vode za piće u Sarajevskom polju iz 87. godine. Zašto postavljam ovo pitanje? Prošle sjeđnice, tj jučer je trebala biti razmatrana ova tačka. Ono što nam je veliki problem u toj cijeloj priči, nismo vidjeli tu dokumentaciju, studiju. Znamo da će se ta tačka razmatrati u nekim budućim je li sjeđnicama. Hajte da to predupredimo, da ne gubimo vrijeme tada na toj tački, da ne gubimo vrijeme na tome da nemamo dokumente, insistiramo i tražimo da se dostavi dokumenti studija vezano za zaštitu izvorišta u Sarajevskom polju. Sljedeće pitanje je da li je Ministarstvo saobraćaja Kantona Sarajevo upoznato sa terminima realizacije, završetka sanacije dijela saobraćajnice ulice Alipašina dio od stadiona Koševo prema Barama i na koji način Ministarstvo saobraćaja Kantona Sarajevo može ubrzati ovaj proces, s obzirom da je riječ o federalnoj cesti koja je veoma preopterećena, čiji završni dio sanacije traje već duže vrijeme i tu imamo problem sa saobraćajem. I na kraju, htio bih se zahvaliti Ministarstvu za visoko obrazovanje, nauku i mlade. Dostavili su mi odgovor vezano za ideje oko financiranja znanstvenih projekata i ideje ustvari ponavljanje one stare ideje o tome da će se fondacija kreirati, da će fondacija riješiti način finansiranja znanstvenih projekata. Međutim ta fondacija neće zaživjeti u 2023. godini stoga bih zamolio usmeni odgovor na pitanje kako Ministarstvo planira da iznađe kratkoročno rješenje, urgentno rješenje za 2023? Već se nalazimo u četvrtome mjesecu, ako projekti se raspišu u petom ili šestome, a njihovo odobravanje će biti negdje u osmome ili devetome mjesecu, onda će svi oni koji su prijavili se za te projekte i dobili novac preko tih tih projekata morati tri do četiri mjeseca, evo, završavam, u roku od 3 do 4 mjeseca morat će da realiziraju javne nabavke i u krajnjem slučaju realiziraju projekte. Znači, zanima me kratko rješenje za 2023. godinu. Hvala vam.

Elvedin Okerić (Predsjedavajući)

Zastupnik, Jasmin Šaljić se javio za riječ.

Jasmin Šaljić (poslanik/zastupnik)

Hvala. Ja sam imao dva pitanja. Prvo, zamolio bih nadležna ministarstva MUP-a Kantona Sarajevo ili saobraćaja da nam samo kratko odgovori da li su razmatrali inicijativu koju sam podnio prije 2 mjeseca, a odnosi se na deinstalaciju radara na dionici puta A 1, jer vidjeli smo da javnost nije prihvatila tu odluku da se instalira 7 novih radara, oni nemaju svoj učinak jer građani Kantona znaju gdje se nalaze radari. Znači oni imaju svrhu da iskažnjavaju ljude koji su u proputovanju, pa bih zamolio da to uradimo prije ljeta, prije turista jer to je nezabilježeno u Europskoj uniji, da na 20 km neko instalira 7 redara, pa samo da neko kratko kaže da li su razmatrali tu inicijativu, da se to deinstalira i da se kamere stave pored osnovnih škola i vrtića u Kantonu Sarajevo? I može bilo ko odgovoriti kratko.

I druga inicijativa je, to je pitanje za gradonačelnicu Karić ili za nekoga, za Gradsko vijeće, a pitanje je vezano za jedan od simbola Sarajeva to je naša Vijećnica. Ko donosi odluke da se Vijećnica povremeno osvjetli zastavama pojedinih država ili značajnim ličnostima? Ko donosi te odluke? Jel to gradonačelnik ili Gradsko vijeće ili Kabinet gradonačelnika? Postoji li neka komisija? Ako postoji da nam dostavite imena ko je formirao tu komisiju? Postoje li na kraju kriterije po kojima neko donese odluku da, recimo, osvane zastava te i te države. Neki dan je na Vijećnici osvjetljen lik generala, legendarnog Jovana Divjaka. Naravno da pozdravljam tu inicijativu. Pa tamo kaže neko čika Jovo. Jel to bilo posvećeno čika Jovi ili generalu Armije Republike Bosne i Hercegovine Jovanu Divjaku.

Ako je već, imamo te kriterije. Zašto nemamo onda za devet heroja? Zašto nikad ta komisija ne stavi godišnjica devet heroja koji su Odlukom tadašnje Republike Bosne i Hercegovine proglašeni narodnim herojima.

Safet Hadžić, Safet Zajko, Enver Šehović, Izet Nanić, Midhat Hujdur, Nesib Malkić, Adil Bešić, Hajrudin Mešić, Mehudin Hodžić, zašto nisu oni na Vijećnici? Pa plus imam recimo, pa Vinko Šamarlić, koji je umjesto na Olimpijadu otišao u na borbeni zadatak, dao svoj život, pa imamo Smaju Šikala, Čedomira Domuza, Sašu Petrovića, Ramiza Salčina, majora Mihajla Petrovića koji je zaslužan za oslobođenje Travnik, imamo Sretena Lojanicu. Zašto ovi ljudi nikad po tim kriterijima ne mogu da budu na Vijećnici?

Elvedin Okerić (Predsjedavajući)

Vrijeme. Kolega Šaljiću.

Jasmin Šaljić (poslanik/zastupnik)

Hvala najljepša.

Elvedin Okerić (Predsjedavajući)

Zastupnik Irfan Čengić se javio za riječ.

Irfan Čengić (poslanik/zastupnik)

Imam pitanje za premijera i za rukovodstvo Skupštine, kada ćemo konačno dobiti Program rada Vlade i Program rada Skupštine? Dakle već ulazimo u peti mjeseci, nemamo ni program rada Vlade, ni program rada Skupštine. Dakle, ne zanima me zašto nemamo, već kada ćemo dobiti, jer mislim da zbog toga, pogledao sam našu novu web stranicu, dio materijala u proceduri. 60 materijala je u proceduri. Dakle mi da bi ispunili sve te materijale, morat ćemo često zasjedati, a ono što me zabrinjava, od tih 60 materijala, preko 60, samo je 10 % zakona, što znači, a mi smo prije svega zakonodavni dom, a ovdje smo se pretvorili u inicijativni dom i samo nake inicijative razmatramo i slično, umjesto da razmatramo zakone i ono što je naša

osnovna uloga. I zanima me kada će Vlada dostaviti svoj Program rada i kada će Skupština dostaviti svoj Program rada? Imam 4 pitanja za ministre, dakle za ministra privrede, kada će dostaviti Zakon o javno-privatnom partnerstvu jer je obavljena javna rasprava i koliko znamo nije u materijalima ga nema da je u Skupštinu stigao. Dakle, kada će doći na dnevni red Zakon o poslovnim prostorima, dakle to je zakon koji smo preuzeli iz Jugoslavije, pa smo ga nekoliko puta mijenjali kako bi pogodovali određenim načelnicima i kada smo ga mijenjali, zaboravili smo da i Grad i Kanton ima svoju imovinu, pa smo stavljali samo tamo općinski prostori. I taj zakon se, dakle, koristi kako bi se maltretirali ljudi, zakupci u općinskim prostorima u pojedinim općinama i on stoji u programu naše koalicije. Zanima me kada će biti na dnevnom redu novi Zakon dakle, o poslovnim prostorima? To je za ministra privrede. Za ministra unutrašnjih poslova. Imao sam i ranije pitanje za novi Zakon o javnom redu i miru.

Elvedin Okerić (Predsjedavajući)

Kolega Čengiću, po Poslovniku možete samo dva pitanja.

Irfan Čengić (poslanik/zastupnik)

Ja mogu dva, ostali mogu koliko žele. Dobro.

Elvedin Okerić (Predsjedavajući)

Dopredsjedavajuća Danijela Kristić, izvolite, imate riječ.

Danijela Kristić (Dopredsjedavajuća)

Zahvaljujem predsjedavajući. Pozdravljam sve prisutne i gledaoce kraj malih ekrana. Pitanje za ministra Vranića, ako može usmeni odgovor. Zaključci o izmjenama Uredbe kojom se treba potpuno ukinuti dobna granica i kojom bi svi oboljeli od Dijabetesa tip 1 ima li mogućnost besplatnih senzora za mjerenje šećera u krvi trebali su biti prosljeđeni na Vladu Kantona Sarajevo. Da li je upućeno na Vladu jer, kao što znate, sredstva su obezbijeđena?

Druga inicijativa. Na osnovu vijesti da je MUP Kantona Sarajevo potpisivanjem Sporazuma o uvjetima i načinu neposrednog pristupa povezivanja i uvida u elektronsku evidenciju zemljišnih knjiga za nekretnine Kantona Sarajevo postaje prvi kanton sa aktivnim e-grunтом u postupcima prijave i odjave prebivališta i boravišta, građani Kantona Sarajevo više neće morati prilagati ZK izvadak. Stoga podnosim inicijativu da Ministarstvo komunalne privrede, infrastrukture, prostornog uređenja, građenje i zaštite okoliša i njegov sektor za upravljanje, realizaciju projekata i nadzor u stambenoj ovlasti primjeni ista iskustva. Iste podatke bi koristila i Kantonalna uprava za inspeksijske poslove. Molim MUP Kantona Sarajevo da prenese svoja iskustva, a Zavod za informatiku i statistiku Kantona Sarajevo da pruži potrebnu tehničku podršku pri realizaciji. Hvala.

Elvedin Okerić (Predsjedavajući)

Zahvaljujem se dopredsjedavajućoj. Zastupnica Mersiha Mehmedagić se javila za riječ.

Mersiha Mehmedagić (poslanik/zastupnik)

Hvala predsjedavajući, pozdravljam sve prisutne, kao i građane Kantona Sarajevo koji prate današnje zasjedanje. Imam pitanje za Ministarstvo saobraćaja. Naime, tražim detaljnu informaciju o statusu sporazuma o regulisanju međusobnih prava i obaveza između Kantona Sarajevo, Ministarstva saobraćaja i općine Trnovo na zajedničkoj izgradnji podzemne garaže na Bjelašnici.

I podnosim zastupničku inicijativu prema Službi za skupštinske poslove, Zavodu za informatičku i statistiku i Ministarstvu pravde i uprave Kantona Sarajeva da se uspostavi web portal za potrebe učešća građana u javnim raspravama pri donošenju nacрта i prijedloga zakona elektronskim putem, po uzoru na portal kakav ima Vlada Republike Hrvatske, uz obrazloženje da bi uvođenjem elektronskog savjetovanja se osiguralo veće učešće zainteresovane stručne javnosti u procedurama donošenja zakona, te olakšao i skratio postupak dostavljanja primjedbi i prijedloga i amandmana predlagачima. Ovaj korak bi, naravno, pomogao znatno i donosiocima odluka da dođu do što boljih zakonskih rješenja. Hvala.

Elvedin Okerić (Predsjedavajući)

Zahvaljujem se zastupnici Mehmedagić. Za riječi javio zastupnik Muamer Bandić.

Muamer Bandić (poslanik/zastupnik)

Hvala. Selamim i pozdravljam sve prisutne, kao i one koji nas prati putem malih ekrana. Imam dva pitanja. Jedno pitanje se odnosi na ministra za visoko obrazovanje i mlade. Dakle, uvaženi ministre, Skupština Kantona Sarajevo je na Petoj radnoj sjednici potvrdila Prijedlog odluke o potvrđivanju Vlade Kantona Sarajeva, a koja Odluka se odnosi i na vas kao ministra za nauku i visoko obrazovanje i mlade. Dakle Skupština Kantona Sarajevo, je na osnovu CV-ija koji ste vi nama ovdje predočila, dala vama povjerenje kao ministru da obavljate svoju funkciju u skladu sa članom 56 i sa članom 57. Zakona organizacija organa uprave, vi ste obavezni da svoje poslove obavljate na način kako vam je to propisano. Naime, vi ste Rješenjem od 27.03.2023 godine ovlastili sekretara Ministarstva za visoko obrazovanje mlade Kantona Sarajevo. Tim ovlaštenjem ste mu dali da u potpunosti pregleda poštu, da raspoređuje akte ili predmete na organizacione jedinice, odnosno radna tijela ili radna mjesta izvan organizacionih jedinica, kojim se predmeti dati akti trebaju dostavljati na rad. Također ste tim ovlaštenjem dali mogućnost vršenja i svih nadležnosti iz Ministarstva za nauku visoko obrazovanje i mlade Kantona Sarajevo da čak potpisuje sve akte koji proizilaze iz rada ovog Ministarstva. Da apsurd bude veći, drugim Rješenjem kojim ste omogućili ovom istom državnom službeniku da sve ove dokumente može on sam opečatiti, praktično da može rukovoditi potpuno ovim Ministarstvom. Ono što ja želim da vam skrenem pažnju, dakle, da smo mi baš svoje povjerenje poklonili vama kao ministru, da vi obavljate ovu funkciju, a nikako nekom državnom službeniku koji u principu nama nije ni odgovoran po Zakonu o državnoj službi. Dakle, ja ću vam pročitati član 57. Ministar je obavezan na osnovu i u okviru Ustava, zakon i drugih propisa savjesno i odgovorno vršiti svoje poslove. U posljednjoj alineji tog člana, dakle, ministar, ministar koji rukovodi ovim ministarstvom dužan je o svim pitanjima da izvještava izvršni organ, tako isto i Skupštinu Kantona Sarajevo. Na temelju ovog Zakona dakle, ministre, evo, ja želim da vam skrenem pažnju da ovo vaše Rješenje nije bilo doneseno u skladu sa zakonom, čak ovo Rješenje, ja sam jako dobro pročitao zasniva ste na član 56, mada vam neko ko je izrađivao ovo rješenje trebao je staviti član 57, da pogledate koja je odgovornost ministra. Tako da zahtijevam u narednom periodu, odnosno da mi se usmeno odgovorite kada ćete izmijeniti ovo Rješenje.

Drugo zastupničko pitanje se odnosi na direktora Kantonalne uprave za inspekcijske poslove. Dakle Kantonalna uprava za inspekcijske poslove kao samostalni organ uprave ovlaštene za pristup tajnim podacima, a također i njihovu klasifikaciju u skladu sa Zakonom o zaštiti tajnih podataka. Na osnovu kojeg člana propisa, i na osnovu koje je suglasnosti direktor napravio mogućnost da on određuje ko može ustvari imati pristup tajnim podacima i koga on ovlašćuje da ima pristup tajnim podacima? Rukovodilac Kantonalne uprave za inspekcijske poslove i bilo koji drugi uposlenik ovlašten za pristup tajnim podacima u skladu sa Zakonom o zaštiti tajnih podataka i da li je rukovodilac ili bilo koje drugo uposlenik certificiran da klasificira i

dodjeljuje stepen tajnosti podataka u skladu sa Zakonom o zaštiti tajnih podataka? S obzirom na navedeno, medijski nastupi, a u vezi dodjeljivanja stepena tajnosti aktima prilikom traženja međunarodne pravne pomoći, Kantonalna uprave za inspeksijske poslove je ugrozila jedan dio istrage koji se odnosi na tajne podatke. I molim direktora da mi dostavi podatke o svim osobama koje su imala ovlaštenje da, ovlaštenje za tajne podatke, odnosno koji su certificirani za upravljanje tim tajnim podacima. Zahvaljujem se.

Danijela Kristić (Dopredsjedavajuća)

Zastupnica Kapo.

Belma Kapo (poslanik/zastupnik)

Hvala. Pozdravljam sve prisutne i naše drage gledateljke i gledaoce koji prate naš rad. Moja inicijativa i pitanje se odnosi na Ministarstvo zdravstva i bolničke ustanove u okviru u Kantonu Sarajevo. Molim vas da se obezbijede kreveti za majke ili očeve ili pratnju djece koja se nalaze na bolničkom liječenju za vrijeme dok su oni tamo jer mislim da je stvarno nedopustivo da u svakom odjelu ili na svakoj klinici majka nema krevet za vrijeme dok je dijete na liječenju, neke majke provedu u noć na stolici. Ovaj Kanton zaista mora imati sredstva da se taj problem riješi. Pozivam zdravstvene ustanove da iskreno odgovore na pitanje koje ću ja preko Ministarstva zdravstva poslati, da li na svakom odjelu imaju krevet za majku ili pratnju djeteta? Ukoliko nemaju šta je to njima potrebno da bismo realizirali ovu inicijativu? Znam da postoje u na nekim odjelima kreveti u koje majka zajedno sa djetetom boravi, mislim da i to nije rješenje. Također, molim Ministarstvo zdravstva i javne ustanove bolničke da mi dostave informaciju na osnovu kojih zakonskih akata ili propisa, ja ih nisam mogla naći, je određena dobna granica djeteta koje ima pravo na pratnju majke, roditelja ili staratelja za vrijeme bolničkog liječenja. Zamolila bih da se ta dobna granica pomakni na 10 godina za svu djecu, odnosno po posebnim kriterijima za djecu koja su onkološki pacijenti, nažalost, ili djecu koja imaju posebne potrebe, tako da oni sigurno mogu i stariji imati pratnju roditelja. Evo da se za ostalu djecu obezbijedi pratnja barem do 10 godina, jer djeca dovoljna im je trauma to što su na liječenju u bolnici još dodatno im sigurno psihički predstavlja trauma kada ostanu sami na bolničkom liječenju. Hvala puno.

Danijela Kristić (Dopredsjedavajuća)

Zastupnica Gaković.

Elza Gaković (poslanik/zastupnik)

Zahvaljujem dopredsjedavajuća. Pozdravljam i selamim sve kolege u sali i gledateljke koji naš rad prate putem medija. Prvu svoju inicijativu pokrećem prema Ministarstvu privrede za sufinansiranje rješavanja imovinskopravnih odnosa za izgradnju trajne regulacije rijeke Bosne u Rajlovcu. Svjedoci smo u novembru mjesecu 2021. godine, kad je rijeka Bosna, usljed velikih padavina se izlila i iz neregulisanog korita je napravila enormne štete privrednim subjektima u Privrednoj zoni Rajlovac. U cilju zaštite Privredne zone Rajlovac od budućih potencijalnih poplava, iniciram sufinansiranje nastavka rješavanja imovinsko pravnih odnosa na trasi trajne regulacije rijeke Bosne kao preduslov za izgradnju trajne regulacije. Neophodno je proaktivno i intenzivno raditi na trajnoj regulaciji rijeke Bosne u Rajlovcu kako bi se spriječile poplave u industrijskim poslovnim subjektima čija je šteta desetina miliona konvertibilnih maraka samo od jedne poplave, a projekat trajne regulacije koju bi spriječio ovakve posljedice u nekom budućem periodu koštati će 10 puta manje. Svoju drugu inicijativu za koju tražim izjašnjenje Kantona Sarajevo koju sam dostavila, ona glasi: upućujem inicijativu da se putem Vlade Kantona Sarajevo uputi zahtjev Uredu za reviziju institucija u Federaciji Bosne i Hercegovine

da izvrši vanrednu reviziju cijene gasa kod snabdjevača gasom Energoinvest d.d Sarajevo i molim da se Skupština o istoj izjasni. Obrazloženje: Ured za reviziju Federacije Bosne i Hercegovine je izvršio kompletnu reviziju poslovanja Energoinvest d.d. Sarajevo u sklopu kojeg je utvrdio prihode Energoinvesta po osnovu prodaje gasa, kao i rashode nastale po osnovu nabavke gasa. Prihodi su iznosili 108 000 000, a rashodi su tu 102 000 000 konvertibilnih maraka. Istovremeno, u javnosti prisutna je polemika o nabavnoj i prodajnoj cijeni gasa te je zatraženo da Energoinvest javno objavi fakturu ruskog Gazproma ili da prezentuje nabavnu cijenu gasa. Kako je Energoinvest, kompanija u većinskom vlasništvu Federacije Bosne i Hercegovine, ne želi da objavi cijenu gasa nabavke gasa, tražim da ovom inicijativom Ured za reviziju uradi istu analizu kao 2021. godine jer je Ured nadležan za reviziju poslovanja kompanija u državnom vlasništvu. I stoga želim na bazi ove skupštinske inicijative da Ured analizira i odgovori na javno postavljena pitanja gdje će građani Kantona Sarajevo saznati punu istinu, kao što se to vidi za 2021. godinu. Reviziju tražim od 2022 godine i prva tri mjeseca za 2023 godinu. Vlada Kantone Sarajevo podržala je resorno Ministarstvo u pogledu zahtjeva za dodatno smanjenje cijene gasa i stoga tražimo istinu putem revizije poslovanja Energoinvest u dijelu nabavke gasa.

Imala sam i dva pitanja, samo mi je vrijeme isteklo i njih ću dostaviti pisanim putem.

Danijela Kristić (Dopredsjedavajuća)

Hvala. Zastupnica Melank.

Miomirka Melank (poslanik/zastupnik)

Zahvaljujem. U januaru ove godine sam podnijela inicijativu o proglašenju temeljnih institucija kulture od značaja za Kanton Sarajevo, odnosila se prije svega na 7 institucija od značaja za Bosnu i Hercegovinu. Sada na osnovu člana 106. Poslovnika Skupštine Kantona Sarajevo, Vladi KS upućujem inicijativu o proglašenju temeljnih strukovnih udruženja profesionalaca iz oblasti kulture od posebnog značaja za Kanton Sarajevo. Prije proglašenja potrebno je formirati stručnu komisiju sastavljenu od osoba sa rezultatima u oblasti kulture, ustanoviti kriterije za izbor udruženja prema godinama rada, kvalitetu i broju projekata, utjecaja na kulturnu scenu, značaja za kulturne radnike itd, a potom raspisati javni poziv i proglasiti temeljna strukovna udruženja od značaja za Kanton Sarajevo. Dosljedno programskim ciljevima razvoja i afirmacije kulture, Kanton Sarajevo potvrđuje svoje opredjeljenje podršci kulturi temeljnih udruženja i institucija u cilju stvaranja pretpostavki za afirmaciju izuzetnih kulturnih vrijednosti u njihovoj organizaciji na domaćem, regionalnom i međunarodnom nivou. Funkcionisanje ovih udruženja, koja se pored ustanova kulture mogu smatrati suštinskim jezgrom kulturne djelatnosti, treba podržati Kanton Sarajevo, proglasivši ih temeljnim, upravo zato što je prema Ustavu Kantona Sarajevo utvrđivanje kulturne politike u nadležnosti Kantona Sarajevo. Pored toga, potrebno je u novi Nacrt zakona o kulturi unijeti nove stavove kojima se definišu procedure i kriteriji za proglašenje temeljnih udruženja i institucija od značaja za Kanton Sarajevo. Hvala vam.

Danijela Kristić (Dopredsjedavajuća)

Zastupnica Hašimbegović.

Marijela Hašimbegović (poslanik/zastupnik)

Zahvaljujem predsjedavajuća. Srdačno pozdravljam sve nas koji učestvujemo u radu ove sjednice i one koji prate radove sjednice, posebno naše sugrađane. Za današnju sjednicu pripremila sam dvije inicijative i dva zastupnička pitanja. Za jednu inicijativu tražit ću izjašnjenje Skupštine. Na osnovu člana 121. Poslovnika Skupštine Kantona Sarajevo

predlažem da Skupština Kantona Sarajevo donese sljedeću Deklaraciju za očuvanje zona sanitarne zaštite i kvaliteta vode za piće izvorišta Sarajevsko polje. Polazeći od značaja očuvanje vode za piće i zona sanitarne zaštite i izvorišta Sarajevsko polje koje imaju za cjelokupni Kanton Sarajevo zbog izrazite zabrinutosti javnosti za očuvanjem kvaliteta zaštite izvorišta, a samim time i budućnosti vodosnabdijevanje Kantona Sarajevo, Skupština Kantona Sarajevo izražava svoj stav o nužnosti očuvanje granica zona sanitarne zaštite i izvorišta vode za piće u Sarajevskom polju, mjerama koje su određene odlukom o zaštiti izvorišta Sarajevsko polje, po njenom stupanju na snagu 1987. godine, te u svojim budućim djelovanjima obavezuje se za očuvanje postojećih mjera zaštite u istom prostornom obuhvatu, bez ublažavanja stepena zaštite nad postojećim zonama sanitarne zaštite izvorišta vode za piće koji se tiče bilo kojeg njihovog dijela. Također, Skupština Kantona Sarajevo izražava svoj stav i da se u najskorijem vremenskom roku obuhvat strožije zaštiti, proširi i na dodatna područja koja trenutno ili potencijalno ugrožavaju izvorišta vode za piće u Sarajevskom polju masovnom komercijalnom gradnjom, konkretno na prostorima planina i Igman i Bjelašnica. Pri zaštiti vodozaštitne zone Sarajevsko polje treba se rukovoditi najboljim praksama vodozaštite zemalja iz našeg okruženja i EU. Poduzeti koraci trebaju u svom segmentu i cjelini odražavati duh vremena u smislu najnovijih naučnih saznanja o štetnosti pojedinih ljudskih aktivnosti po kvalitet i kvantitet vode u izvorištima, te u pogledu urgentnosti i ozbiljnosti nadolazeće klimatske krize koja izaziva sve učestalije suše na našim prostorima. U doba parlamentarne okolišne krize, kada se zemlje širom svijeta bore da očuvaju svoju vodu, a one moćnije i nastoje oteti siromašnima, apsolutni prioritet je da Sarajevo očuva svoju vodu. Degradacija vodozaštitne zone bi Sarajlije osudila na vodu u plastičnim bocama, skupu, sumnjivog kvaliteta i po najnovijim naučnim saznanjima bogatu toksičnim mikročesticama plastike. Stoga apsolutni prioritet iznad svih stranačkih interesa i ciljeva mora biti očuvanje naše čiste vode. Tražit ću, naravno, izjašnjenje Skupštine, kao što sam rekla. Ja ne znam koliko još imam vremena, obzirom da imam još jednu inicijativu i dva pitanja.

Danijela Kristić (Dopredsjedavajuća)

Istaklo je vrijeme.

Marijela Hašimbegović (poslanik/zastupnik)

U redu, onda ću poslati na službeni email. Hvala lijepa.

Danijela Kristić (Dopredsjedavajuća)

Zastupnica Hodžić.

Admela Hodžić (poslanik/zastupnik)

Dobar dan želim svima, zahvaljujem se dopredsjedavajuća. Moje prvo pitanje upućeno je premijeru Kantona Sarajevo da nas izvijesti i tražim pismeni odgovor danas u toku odgovora usmenih odgovora na ovoj točki, koliko javnih kantonalnih poduzeća koji se finansiraju Budžetom Kantona Sarajevo nisu dostavili poslovni finansijski izvještaj, a bili su u obavezi za protekle godine. Ja ću pozvati ubuduće kolege zastupnike da razmislimo o usvajanju sljedećeg budžeta svima, zbog svih onih koji nam ne dostave izvještaj o poslovanju. Moje sljedeće pitanje upućujem direktoru Kantonalne javne ustanove za zaštićena područja Kantona Sarajevo i nadležno ministarstvo, zbog čega nije poduzelo ništa po pitanju inicijative koju sam uputila prema tada kako se zvalo Ministarstvu prostornog uređenja, građenje i zaštite okoliša, da donese odluku kojom će naložiti da se važeći cjenovnici usluga za posjetitelje Kantonalne javne ustanove zaštićena područja dopuni: pod 1. RVI ne plaća se uz dokument, pod 2. Porodice šehida i poginulih boraca ne plaća se uz dokument i osobe sa invaliditetom, ne plaća se uz

dokument. Na osnovu odgovora na moju inicijativu, koja se čak dojmila i pozitivnim odgovorom prema primjedbama gore navedenih kategorija naših građana, do danas niste poduzeli ništa. Dio vašeg odgovora, navedeno i u ovom obrazloženju, dio obrazloženja u dijelu obrazloženja je pisalo da je u toku izrada novog cjenovnika, to ste dostavili krajem 2019. godine, 3,5 godine je u izradi izmjenjena tog cjenovnika, pa vas molim, evo, ako možda da ubrzate. Podnosim inicijativu Vladi Kantona Sarajevo i Ministarstvu komunalne privrede, infrastrukture, prostornog uređenja, građenje i zaštite okoliša Kantona Sarajevo da u što skorije vrijeme poduzme sve potrebne aktivnosti i obezbijedi sve potrebne uvjete kako bi se izradila studija opravdanosti izgradnje fabrike vode na području Kantona Sarajevo. Obrazloženje: na isti način kako je to urađeno za pokretanje projekta izgradnje peletare u Kantonu Sarajevo, za koju je bilo potrebno izraditi Studiju opravdanosti za tu vrstu proizvodnje, a u nadležnosti Ministarstva privrede Kantona Sarajevo, pokrećemo ovu inicijativu prema Ministarstvu komunalne privredi, infrastrukture i prostornog građenja, uređenja, građenja, zaštite okoliša Kantona Sarajevo, u čijoj nadležnosti bi trebala biti ova vrsta djelatnosti. Nažalost, potrebno je uvijek da nam se desi neka kriza i rast cijena određenih energenata ili osnovnih životnih namirnica, a na štetu građana, kako bismo počeli koristiti resurse kao odgovorni političari i menadžeri, sa vizijom i strategijom za stvaranjem boljih uvjeta za život građana Kantona Sarajevo. Zahvaljujem, ostalo ću dostaviti u pisanoj formi.

Danijela Kristić (Dopredsjedavajuća)

Zastupnik Avdić.

Samir Avdić (poslanik/zastupnik)

Zahvaljujem. Najprije pozdravljam sve prisutne i ljude koji prate naš rad putem medija. Evo mogli smo na osnovu ovaj dvije inicijative prethodne, kolege Marjanovića i kolegice Hašimbegović, prepoznati koliko je veliki interes i ove Skupštine, a generalno smo mogli kroz medije ovaj prepoznati ogroman interes cijele društvene zajednice za jednu od tema koja će se naći na jednoj od narednih sjednica, a to je ovaj usvajanje Nacrta o vodozaštitnim zonama, odnosno o zaštiti izvorišta Sarajevsko polje. S tim u vezi mislim da je veoma važno, a kolega Marjanović se donekle dotakao te teme, a prije toga u nekim pripremama i drugi zastupnici. Ja sam imao priliku da vidim elaborat koji je urađen, odnosno usvojen od strane Skupštine Kantona Sarajevo 2014 godine. Radi se o ogromnom materijalu koji je sačinjen u najvećem dijelu od velikih mapa i karata, koje je tehnički jako teško sada skenirati i učiniti dostupnim u elektronskoj formi za sve nas i za zainteresiranu javnost, a s obzirom da smatram da donošenje odluke od strane ove Skupštine, ali i formiranje mišljenja javnosti mora biti zasnovano na potpunim informacijama i uvažavajući kompetencije struke, tu mislim na samu komisiju u kojoj su eminentni profesori sa Univerziteta u Sarajevu, ali i na relevantna ekološka udruženja u kojima trebamo prepoznavati partnere. Znači, treba i ta odluka i mišljenje javnosti trebaju biti zasnovani na potpunim informacijama i tim kompetencijama, a ne na osnovu različitih navoda i špekulacija koje možemo vidjeti u medijima. S tim u vezi iniciram da Ministarstvo privrede u narednom periodu, najmanje jednom, sedmično ili čak i u više termina, odredi termine kada će elaborat biti dostupan u jednoj od kancelarija Ministarstva za sve zastupnike koji su zainteresovani da ga vide, kao i za dio zainteresovane javnosti. Kada kažem dio, mislim na zvanična udruženja koja se bave ovom temom. Kasnije kada bude javna rasprava, taj materijal eventualno može biti dostupan i cjelokupnoj javnosti, ali u ovom sada periodu prije usvajanja na nacrt, predlažem da on bude dostupan, ponavljam, svim zastupnicima i zastupnicama, te svim zainteresiranim stručnjacima i zvaničnim, odnosno registrovanim udruženjima u kojima, ponavljam, trebamo prepoznavati partnere prilikom donošenja krajnje

odluke o, krajnje odluke koja veoma značajna, ne samo za građane Ilidže, već i za građane cijelog Kantona Sarajevo. Zahvaljujem.

Elvedin Okerić (Predsjedavajući)

Zahvaljujem se zastupniku Avdiću. Dopredsjedavajuća Jelena Pekić se javila za riječ.

Jelena Pekić (dopredsjedavajuća)

Zahvaljujem se predsjedavajući. Ja ću postaviti jedno zastupničko pitanje koje je upućena prema Ministarstvu za odgoj i obrazovanje KS i zamolit ću ministricu Naidu Hota-Muminović da usmeno odgovori kako bismo ovo pitanje pojasnili javnosti. Naime, meni su se obratili par roditelja sa upitom da je njihovoj djeci sa poteškoćama onemogućen asistent u privatnim predškolskim ustanovama. Dakle, ta vrsta, da kažem usluge, nije im dostupna u privatnim predškolskim ustanovama i ja bih zamolila ministricu da pojasni kako je regulisano angažovanje asistenata u privatnim predškolskim ustanovama i kakve su odgovornosti na takve slučajeve kada je u pitanju resorno ministarstvo, budući da je zaista resorno ministarstvo u prethodnom periodu poduzelo značajne aktivnosti, korake kada je u pitanju inkluzija odgoja i obrazovanja, a gdje prema informaciji koja je i razmatrana početkom prošle godine, broj djece sa teškoćama u razvoju u javnim ustanovama, u Javnoj ustanovi "Djeca Sarajeva" i privatnim predškolskim ustanovama iznosio je 124. Dakle, iz informacije koja je dostupna javnosti. Budući da se radi o našoj najmlađoj populaciji, mislim da je ovo pitanje jako važno i da ministrica usmeno odgovori kako bi roditelji na ovaj način dobili potrebne informacije i dalje postupali kada su u pitanju privatne predškolske ustanove, a naročito kada imamo u vidu činjenicu da se sve te privatne predškolske ustanove upravo i nalazi u programu Vlade Kantona Sarajevo vezano za sufinansiranje boravka djece. Toliko hvala.

Elvedin Okerić (Predsjedavajući)

Zahvaljujemo se dopredsjedavajućoj Pekić. Zastupnik Davor Čičić se javio za riječ.

Davor Čičić (zastupnik)

Zahvaljujem predsjedavajući, pozdravljam sve uvažene kolegice i kolege i sve građane ispred malih ekrana. Ja ću imati danas jednu zastupničku inicijativu koja se odnosi na Zavod za zapošljavanje Kantona Sarajevo i Ministarstvo za rad, socijalnu politiku, raseljena na lica i izbjeglice Kantonu Sarajevo, a inicijativa se tiče da se kroz kreiranja programa Zavoda za zapošljavanje u 2023. godini kreira program vezano za podršku zapošljavanja nezaposlenih lica u turistički, hotelski i ugostiteljski sektor u Kantonu Sarajevo, odnosno da se kreira poseban program za podršku zapošljavanje nezaposlenih lica u privredne subjekte turističke, hotelske i ugostiteljske djelatnosti u Kantonu Sarajevu, a u suradnji sa poslodavcima iz tog sektora zbog velikog nedostatka kadra u tom sektoru, posebno za vrijeme ljetne sezone. U obrazloženju ću spomenuti da je, s obzirom da je turistički, hotelskih i ugostiteljski sektor u Kantonu Sarajevo jako važna privredna grana, a zbog jačanja stalnog i zbog sve jačeg i stalnog ulaganja Vlade Kantona Sarajevo u promociju Kantona Sarajevo kao važne turističke destinacije u ovom dijelu Europe i s obzirom na činjenicu da je, posebno u ljetnoj sezoni, značajno veća posjeta turista u Kantonu Sarajevo i veća je potreba i osjetan nedostatak radne snage u tom sektoru, smatram da je potrebno da Zavod za zapošljavanje u suradnji sa poslodavcima iz tog sektora osmisli program podrške zapošljavanju nezaposlenih lica i održavanju zaposlenosti u tom sektoru. Mislim i da bi zbog odliva sezonske radne snage iz Kantona Sarajevo, posebno u periodu sezone, sada nekad od maja pa do oktobra, ovakav jedan program pridonio i zadržavanju radne snage u Kantonu Sarajevo i pridonio i održavanju dugoročnih radnih mjesta u ovim djelatnostima. I sve ovo gore i sve taj neki program koji bi

pomogao bi sigurno pomogao u poboljšanju ponude i usluge u turističkom sektoru Kantona Sarajevo, zadržavanju domaće radne snage u Kantonu Sarajevo. Zahvaljujem.

Elvedin Okerić (Predsjedavajući)

Zahvaljujemo se zastupniku Čičiću. Za riječ javila za zastupnica Vildana Bešlija.

Vildana Bešlija (poslanik/zastupnik)

Hvala predsjedavajući. Pozdravljam sve one koji prate naš današnji rad. Ja ću pročitati jednu inicijativu. Odnosi se, odnosno na osnovu komunikacije sa udruženjima "Prijatelji životinja" i "Indi i šapice", inicijativu za obezbjeđivanje finansijskih i tehničkih uslova za uvođenje programa liječenja uličnih životinja. Financiranje liječenja uličnih životinja vezano je, odnosno i važno je ne samo zbog dobrobiti životinja, već i zbog zdravstvenih rizika koji takve životinje predstavljaju za ljude. Ti zdravstveni rizici uključuju prenošenje zaraznih bolesti koji se mogu prenijeti virusa, znači i na druge životinje. I zato smatram da je u interesu javnog zdravlja da se financiranje liječenja uličnih životinja obezbijedi. Financiranje liječenja uličnih životinja je važno, kao što rekoh, iz više razloga. Prije svega, to su živa bića koja zaslužuju da budu zaštićena od patnje i bola, a isto tako često su žrtve različitih zdravstvenih problema, kao što su zarazne bolesti, ozljede i drugi zdravstveni problemi i liječenje i može osigurati bolji i kvalitet života i produžiti njihov život. Također liječenje uličnih životinja ima i društvene koristi, zdrave životinje su manje vjerojatno da će prenijeti zarazne bolesti na ljude i drugih životinja, što pomaže u sprječavanju širenja bolesti i smanjenju rizika od epidemija. Osim toga, liječenje uličnih životinja također pomaže u održavanju dobrih odnosa između životinja i ljudi u našem kantonu, što može pomoći u sprječavanju napetosti i sukoba između njih. Hvala vam.

Elvedin Okerić (Predsjedavajući)

Zahvaljujemo se zastupnici Bešlija. Za riječ se javio zastupnik Elvis Vreto.

Elvis Vreto (poslanik/zastupnik)

Hvala predsjedavajući. Imam jedno pitanje za ministra kulture i sporta Kenana Magodu. Nekako se moglo protumačiti u javnosti ove najave objave transparentnosti rada ministarstva, nekako kao da bivši ministar, Samir Avdić u ovom segmentu i Vlada nije radila dovoljno na transparentnosti, pa obzirom da je Vlada ima i kao sva ministarstva kreiranu registar u Uredu za borbu protiv korupcije, da postoji Uredba koja je naložila da sve ugovore odluke izvještaja o dodjeli namjenskom utrošku sredstava bude pohranjeno i dostupno na uvid, ja bih zamolio ministra da nam pojasni šta je mislio pod ovim povećanim stepenom transparentnosti i evo, jednostavno zbog javnosti da objasni tako da, nekako se stekao dojam, a svi znamo da je ministar, bivši Samir Avdić, zaista na tom polju radio puno i mislim da je ta oblast dobro uređena, kao naravno i ostali. Imam jednu inicijativu, ona je vezana za izmjene i dopune Zakona o porezu na promet nekretnina i porezu na naslijeđe i poklone. Kolega zastupnik iz prethodnog saziva Skupštine, Samir Suljević je inicirao izmjene ovog Zakona i tražim od Vlade da i ovaj zakon predloži Skupštini u formi nacrtu. Posebno se to odnosi na član 15, za koji predlažem da se mijenja i glasi: "Kupac koji je član porodice šehida i poginulog branioca, ratni vojni invalid i branitelj, koji je proveo najmanje 24 mjeseca u oružanim snagama Bosne i Hercegovine, a svoje stambeno pitanje rješava prvi put kupovinom stana, kuće sa okućnicom površine do 400 m, kupovinom zemljišta za izgradnju kuće do 500 m², nasljeđivanjem nekretnine, ugovora o poklonu, te po osnovu ugovora o doživotnom izdržavanju". Tražim od Vlade da ovu inicijativu razmotri, kao i kompletne izmjene i dopune ovog Zakona, obzirom da postoji još, evo, kako sam i naveo, inicijativa i iz prethodnog mandata kolege Suljevića i da ovaj Zakon u formi nacrtu razmatramo što prije. Ovaj član 15 konkretno se odnosi, kao što ste

mogli čuti, na naše bratioce i porodice, tako da u ovom dijelu oslobađanja sigurno treba uzeti u obzir i ovu kategoriju na kvalitetniji način. Eto toliko predsjedavajući.

Elvedin Okerić (Predsjedavajući)

Zahvaljujemo se zastupniku Vreti. Za riječ se javio zastupnik Faruk Kapidžić.

Faruk Kapidžić (poslanik/zastupnik)

Zahvaljujem predsjedavajući. Pitanje za premijera Uka i za ministra privrede, a vezano za Privremenu odluku o zaštiti izvorišta vode za piće Sarajevsko polje. A tražim usmeni odgovor da li su svjesni kriminala u ovoj Privremenoj odluci koju im je ostavio prethodni ministar Adnan Delić, koji ne samo da legalizuje dosadašnji kriminal i prethodnih struktura vlasti, nego otvara mogućnost za novi, a pri tome ugrožava zdravlje i u konačnici živote ljudi. Ako im je odgovor sa da, onda će povući odluku i ne dirati granice zaštite iz 1987. Dakle, granice zaštite se mogu samo povećavati, a ne smanjivati, obzirom na rast grada i zagađenje vode. A ako im je odgovor ne, onda moraju da shvate da će snositi odgovornost, ne samo oni, nego svatko tko bude glasao za ovakvu odluku jer je ovo čisti kriminal. Hvala.

Elvedin Okerić (Predsjedavajući)

Za riječ se javio zastupnik Mahir Dević.

Mahir Dević (poslanik/zastupnik)

Hvala predsjedavajući. Inicijativa prema Ministarstvu komunalne privrede, infrastrukture, prostornog uređenja, građenje i zaštite okoliša. Pokrećem inicijativu prema navedenom Ministarstvu da evo u roku od 60 dana pripremi izmjenu Zakona o prostornom uređenju Kantona Sarajevo na način da se po različitim kategorijama omogući legalizacija bespravno izgrađenih objekata u Kantonu Sarajevo. Već sam dva puta ovu inicijativu pokretao u prošlom mandatu, dobio obećanje od bivših premijera Forte da će to uraditi, nikada taj Zakon nije ugledao svjetlo dana i zaista smatramo da je ovo jedno izuzetno ozbiljno pitanje. Desetine hiljada objekata u Kantonu Sarajevo imaju u ovom momentu sve zakonske uslove da budu legalizirani i cijeno da je došlo vrijeme da se to uradi. Evo, nek bude 60 dana, mislim da je to ministru dovoljno da se taj Zakon pripremi po skraćenom postupku. Znači on bi podrazumijevao izmjenu jednog ili dva člana, tako da poslovnički je to moguće po skraćenom postupku. I imam jedno pitanje, zamolit ću ministra privrede da mi odgovori u pismenoj formi. Kakva je to ekonomska logika u kojoj Budžet Kantona Sarajevo raste na milijardu i po konvertibilnih maraka, a poticaji za poljoprivrednu proizvodnju primarnu u poljoprivrednu proizvodnju padaju za 1.5. konvertibilnih maraka u okviru Ministarstva privrede Kantona Sarajevo. Sam budžet Ministarstva privrede je u '23. godini je već i za nekih 20/30 000 000 konvertibilnih maraka u odnosu na budžet koji je bio u 2.022. godini. Znam da pokušavate nešto da riješite oko azila tamo u Prači, ali koja je to ekonomska logika? Znači, imamo inflaciju, imamo rast budžeta, a da padaju primarni poljoprivredni poticaj, pa evo, zamolit ću vas da mi to u pismenoj formi odgovorite u narednom projektu. Evo to je bila ta jedna inicijativa i jedno pitanje. Hvala predsjedavajući.

Elvedin Okerić (Predsjedavajući)

Zahvaljujem se kolegi Deviću.

Koristim svoje pravo da podnesem inicijativu prema Skupštini Kantona Sarajevo, koja će glasiti: "Zaključak Skupštine Kantona Sarajevo da se formira radno tijelo za izradu novog Poslovnika Skupštine Kantona Sarajevo u sljedećem sastavu: "Elvedin Okerić predsjedavajući

radnog tijela, Irfan Čengić, zastupnik, zamjenik predsjedavajućeg radnog tijela, Danijela Kristić, zastupnica, Vibor Handžić, zastupnik, Muamer Bandić zastupnik, Mahir Dević zastupnik, Albin Zuhrić zastupnik, Aida Zeković sekretar Skupštine, član i Amela Smailagić-Čamdžić, sekretar radnog tijela.

Zadužuje se radno tijelo iz tačka 1. ovog Zaključka da izradi tekst nacрта Poslovnika Skupština Kantona Sarajevo, i isti dostavi Skupštini Kantona Sarajevo na nadležno postupanje u roku od 30 dana od dana donošenja ovog zaključka. Zadužuje se radno tijelo iz tačke 1. ovog zaključka da nakon utvrđivanja nacрта Poslovnika i provedene javne rasprave, pripremi izvještaj o rezultatima javne rasprave i Skupštini Kantona Sarajevo dostavi prijedlog Poslovnika Skupštine Kantona Sarajevo na nadležno postupanje.

Ovaj zaključak stupa na snagu danom donošenja".

Zamolio bih zastupnice i zastupnike da se izjasne o predloženom. Evo samo da završim ovaj, zamolit ću zastupnike da se izjasne o predloženom zaključku.

Obrazloženje: Skupština Kantona Sarajevo na Trećoj radnoj sjednici usvojila je inicijativu zastupnika Irfana Čengića za donošenje novog Poslovnika Skupštine. Shodno navedenom, ovom inicijativom predlažem da Skupština formira radno tijelo koje će pripremiti tekst nacрта i prijedloga Poslovnika i iste uputi u skupštinsku proceduru.

Poslovnička zastupnik Mahir Dević.

Mahir Dević (poslanik/zastupnik)

Bilo bi dobro da se kolega Marjanović uključi u ovu radnu grupu. Čini mi se da je samo on osta kao klub, kao, ustvari on nema kluba, jel mislim da se to može uraditi jer je u pitanju informiranje radnog tijela. Može se sada to amandmanski odraditi, bilo bi dobro da bude i on ovaj, ne znam jel još netko iz nekog kluba ili stranke je ostao vani, mislim da nije, Poslovnik je dokument koji se tiče svakog zastupnika, i pojedinačno i kao kluba. Bilo bi dobro da on bude tu.

Elvedin Okerić (Predsjedavajući)

Nemam ništa protiv, ovo bi bilo.

Zaključak je prosljeđen da se izjasne klubovi stranaka unutar Skupštine. S obzirom da kolega Marjanović nije imao klub, ali nemam ništa protiv, ovaj prijedlog ćemo usvojiti. Evo, dodat ćemo kolegu Marjanovića na ovaj spisak kao člana radnog tijela za izradu novog Poslovnika.

Prelazimo na odgovore na postavljena pitanja zastupnika i zastupnica.

Za riječ se javio ministar Haris Vranić.

Haris Vranić (ministar)

Hvala predsjedavajući. Pozdravljam sve prisutne i gledaoce Televizije Sarajevo. Dakle, ja sam imao praktično dva pitanja i jednu inicijativu. Uvažena prof. Fatima Gavrankaptanović je postavila dva pitanja. Jedno se tiče specijalizacija koje su po prvi put budžetirane kroz Ministarstvo zdravstva za raspisivanje specijalizacija. Mi smo u toku formiranja komisije koja će se baviti raspisivanjem konkursa za pomenute specijalizacije. Sve zahtjeve javnozdravstvenih ustanova koje smo dobili za specijalizacijama, prosljedili smo prema Zavodu za javno zdravstvo i čekamo odgovor od njih koje su tu deficitarne specijalizacije. Poslije toga ćemo odrediti kojih je i koji je to broj tih specijalizacija koje će biti raspisane za pojedine javnozdravstvene ustanove i ja se nadam, čim sredstva budu prebačena od strane

Ministarstva financija da će biti operativna za realizaciju ovih specijalizacija. Drugo pitanje je bilo, a u skladu sa ovim, da li i općine mogu da učestvuju u financiranju specijalizacija. Da, nema zakonske prepreke da i općine kao lokalna samouprava učestvuju u financiranju specijalizacija, pogotovo onih koje su interesantne za njihovu lokalnu vlast, odnosno lokalnu zajednicu, prvenstveno mislim na primarnu zdravstvenu zaštitu. U prošloj godini je čak i ja mislim načelnik, ne mislim, nego znam, načelnik općine i Ilidža i Općinsko vijeće odvojilo sredstva za raspisivanje jedne specijalizacije. Međutim, nismo uspjeli to dovesti do kraja. I ono što je drugo pitanje izuzetno važno, dakle, da, uputili smo pitanje prema Federalnom ministarstvu da se učine koraci u promjeni pravilnika i da se omogući boravak naših mladih ljekara i u drugim javnozdravstvenim ustanovama, a ne da stižu staž samo kroz primarnu zdravstvenu zaštitu, kako je to sada zakonom i propisano. Nadam se da će Federalno ministarstvo imati sluha za ovu inicijativu koja je izuzetno važna, kao što je i naglasila prof. Fatima. Dakle, jer mladi ljekari ne mogu sigurno biti da tako kažem, apsorbirani kroz kroz dvije javno-zdravstvene ustanove u Kantonu Sarajevu, koja je primarna zdravstvena zaštita i Hitna medicinska pomoć i Domovi zdravlja. Ovi bi se omogućilo veća mogućnost sticanja potrebnog staža za apliciranje za dobivanje specijalizacija. Uvažena zastupnica Kristić je postavila pitanje u vezi senzora. Da, izmjene i dopune Pravilnika su završene, one prolaze sve procedure, komisijske i uskoro će biti upućene prema Vladi na usvajanja, a time i prema Zavodu zdravstvenog osiguranja da se omogući nabavka senzora za mjerenje GUK-a kod inzulo-ovisnih pacijenata. I treća je bila inicijativa od uvažene zastupnice Belme Kapo, mi ćemo prenijeti tu inicijativu i kontaktirat ćemo sve ustanove koje imaju postavljene kapacitete, pogotovo koje imaju pedijatrijske odjele, da se omogući i boravak majki sa djecom zajedno u toku njihovoga liječenja, odnosno da im se omogući kvalitetan boravak, u smislu da mogu i prespavati pored svog djeteta, ne da dijele krevet sa djetetom ili da spavaju na stolici. Toliko, hvala.

Elvedin Okerić (Predsjedavajući)

Zahvaljujemo se ministru Vraniću. Ministar Admir Katica se javio za riječ.

Admir Katica (ministar)

Hvala lijepa predsjedavajući. Lijep pozdrav vama, rukovodstvu Skupštine, zastupnicama i zastupnicima, prvenstveno građankama i građanima Kantona Sarajevo. Ja sam imao dva pitanja. Jedno je pitanje uvaženog zastupnika Jasmína Šaljića vezano za deinstalaciju radara na autoputu. Ja vas mogu informisati da ovo pitanje nije došlo do ministra unutrašnjih poslova, ono u suštini treba, iniciram to od strane Skupštine da se dostavi Upravi policije MUP-a KS jer je nastanak inicijativa po ovom pitanju upravo vezan za funkcionisanje i rad Uprave policije MUP-a Kantona Sarajevo. Postoji jedna komisija upravo za proširenje stacionarnih radarskih uređaja. U toj komisiji su i ljudi iz Uprave policije MUP-a Kantona Sarajevo, ali iz Direkcije za ceste, iz Ministarstva saobraćaja. Dakle, ljudi koji odlučuju gdje i kada, odnosno ljudi koji predlažu, putem Uprave policije Ministarstvu unutrašnjih poslova i Vladi Kantona Sarajevo usvajanje inicijativa za proširenje stacionarnih radarskih uređaja na pojedinim mjestima, pa ćemo shodno tome moći odgovoriti na ovo pitanje, odnosno tražit ćemo od Uprave policije da da odgovor na ovo pitanje da li je ovo zaista moguće. Ono što bih ja želio iskoristiti priliku jeste da vas upoznam, da smo mi u okviru ovih godine i za Budžet za 2023. godinu za proširenje radarskih sistema na područje Kantona Sarajevo predvidjeli 950 000 konvertibilnih maraka, od toga, na 4 mjesta smo predvidjeli postavljanje novih stacionarnih i radarskih uređaja. Jedan je na raskršnici ulica Zagrebačka i Grbavička, drugi je na magistralnim putem M 18 mjesta Semizovac, treći je ulica Adema Buče, u blizini škole Avdo Smajlović i četvrti to je Obala Kulina bana kod BiH pošte. Dakle, te četiri lokacije će biti pokrivena stacionarnim radarskim

uređajima, a također, ovom pozicijom obuhvaćena su i sredstva za nabavku sistema za evidentiranje prekršaja nepropisnog zaustavljanja i parkiranja motornih vozila na stajalištima javnog prijevoza na području Kantona Sarajevo. Jedan širi projekat koji će se odnositi na moguću eliminaciju jedne negativne pojave parkiranja putničkih motornih vozila na stajalištima na koja su predviđena za javni prijevoz. Što se tiče još jednog pitanja postavljenog od uvaženog zastupnika Irfana Čengića vezano za donošenje Zakona o prekršajima protiv javnog reda i mira Kantona Sarajevo želim vas informirati da ja vjerujem da će uskoro vjerojatno ili na sljedećoj ili na onoj Vladi, na sjednici Vlade poslije toga, biti na raspravi novi Zakon o prekršajima protiv javnog reda i mira u Kantonu Sarajevo. Vjerujem da će ponuditi neke revolucionarne stvari, poput toga da će se proglasiti internet kao javno mjesto, mjesto na kojem je moguće počinuti prekršaj i na taj način ćemo se boriti protiv vrlo devijantnih i delikventnih ponašanja koja imamo na internetu. Isto tako, predložiti ćemo i neke mjere u borbi protiv prosjačenja kao najvidljivijeg oblika trgovine ljudima na području Bosne i Hercegovine. I vjerujem da će te mjere doprinijeti smanjenju ove pojave, ovako, na ovaj jedan normativni način, a svakako i putem djelovanja policije, odnosno primjena ovoga Zakona u budućnosti. Dakle, uskoro Zakon na Vladi, nadam se uskoro i na Skupštini i da ćemo ga uskoro imati i u primjeni. Hvala.

Elvedin Okerić (Predsjedavajući)

Zahvaljujemo se ministru Katici. Premijer Nihad Uk je tražio riječ.

Kasnije, kasnije nezadovoljstvo odgovorima, sada ministri odgovaraju, pa možete kasnije izraziti nezadovoljstvo odgovorom.

Izvolite, premijer.

Nihad Uk (premijer)

Hvala predsjedavajući. Srdačno pozdrav vama, kolegama zastupnicima i zastupnicama. Imao sam dva pitanja, jedno je od uvaženog zastupnika Čengića, pitanje u kojoj je fazi plan rada Vlade. Na idućoj Vladi, dakle naredni četvrtak, ne ovaj sutra, nego onaj za 7 dana će biti usvojen, odnosno predložen plan Vlade i koji će se dostaviti Skupštini. Razlog tome je, s obzirom da smo poprilično kasno imenovani i pojedini ministri nisu bili u prilici da se jel upoznaju sa radom, tako da smo morali koji dan više da odvojimo za izradu ovog dokumenta. Što se tiče drugog pitanja koje je bilo usmjereno prema premijeru, jeste od uvaženog zastupnika Kapidžića i famozne odluke o vodozaštitnoj zoni. Ona je jučer povučena sa sjednici Skupštine Kantona Sarajeva. Ono što želim da istaknem jeste da će biti dostavljena na jednu od narednih sjednica i ona ne smije ni u jednom trenutku biti nezakonita, ni u trenutku kada je Vlada spušta Skupštini, ni onog trenutka kada poslije javne rasprave Skupština bude usvojila ili ne usvojila takvu odluku. Tako da morat ćemo ostati u okvirima zakona. I neće i ne smije biti nikakvog kriminalnog djelovanja po tom pitanju. Hvala.

Elvedin Okerić (Predsjedavajući)

Zahvaljujemo se premijeru Nihadu Uku. Ministar Zlatkom Mijatović se javio za riječ.

Zlatko Mijatović (ministar)

Hvala predsjedavajući. Srdačan pozdrav vama i uvaženim zastupnicama i zastupnicima, kao i građanima Kantona Sarajevo koji nas prate putem TVSA. Ja sam imao dva pitanja danas od uvaženog zastupnika gospodina Čengića. Odnosi se na pitanje, odnosno određivanje određenih rokova kada će se određeni zakoni naći u skupštinskoj proceduri, a radi se o dva Zakona; Zakona o zakupu poslovnog prostora i Zakon o javno-privatnom partnerstvu. Naime, Zakon o

zakupu poslovnog prostora planiran je da se nađu u formi nacрта u julu ove godine, dok je Zakon o javno privatnom partnerstvu još u formi prijedloga usvojen 12. januara ove godine u sastavu bivše Vlade i spušten je tako reći Skupštini na dalje postupanje i nadamo se što skorijem stavljanju na dnevni red. Hvala vam.

Elvedin Okerić (Predsjedavajući)

Zahvaljujem se ministru Mijatoviću. Ministar Pavle Krstić. Izvolite, imate riječ.

Pavle Krstić (ministar)

Pozdravljam sve prisutne, kao i gledaoce Kantonalne televizije i ovom prilikom bi dao konkretnije odgovore zastupniku Marjanoviću vezano za njegovo prethodno pitanje u vezi načina prevazilaženja problema sa sprovođenjem, odnosno financiranjem projekata za nauku. Radi se o tome da planiramo iskoristiti Zakon o javnim nabavkama, odnosno izuzeće za ugovore o javnoj nabavci, članovi 10 a i 10 c , mogu dostaviti u pismenom obliku pojašnjenja tih stavki Zakona. Dakle, uspjeli smo pronaći neko rješenje. I drugo, odgovorio bih na pitanje uvaženog zastupnika Bandića vezano za davanje suglasnosti za potpisivanje sekretaru Ministarstva. Tu suglasnost sam dao na osnovu Pravilnika o kancelarijskom poslovanju u Federaciji BiH koji se primjenjuje na kantonalne organe. Član 28 o signiranju pošte, prvi stav. Ukoliko ovaj je to u sukobu sa ovim zakonima koje je ministar Bandić naveo, članovi 56. i 7, ovaj u svakom slučaju ćemo detaljno proučiti te zakone, ali ja mislim da nije u sukobu. Hvala, toliko.

Elvedin Okerić (Predsjedavajući)

Zastupnica Naida Hota-Muminović se javila za riječ.

Naida Hota-Muminović (ministrica)

Hvala lijepo. Uvažena zastupnica i dopredsjedavajuća Jelena Pekić imala je pitanje u vezi sa angažmanom asistenata u privatnim predškolskim ustanovama. Dakle, podsjetit ću vas da je Skupština Kantona Sarajevu u februaru 2022 godine imala Tematsku sjednicu sa jasnim opredjeljenjem ka inkluzivnom obrazovanju. Tragom toga donijeli smo i program Vlade i omogućili kroz jedan digitalizirani proces upisa djece u vrtiće jednake šanse upisa za svu djecu, bez obzira na njihove teškoće. Šta više, mi smo kroz kriterije dali dodatne bodove djeci sa teškoćama da se mogu upisati u vrtiće, a ne da njihov upis, pravo upisa u redovne vrtiće bude onemogućen bilo kakvom procjenom, inicijalnom procjenom komisije, jer to ne može biti u skladu sa opredjeljenjem i zakonskom obavezom da se osigura jednak pristup svojoj djeci u sve programe obrazovanja. To je zakonska obaveza, dakle i Zakona o predškolskom odgoju i obrazovanju i člana 7. gdje je zagarantovano da svako dijete ima jednako pravo, jednake mogućnosti učešća u odgojno-obrazovnom procesu, bez diskriminacije. Kada dijete dođe u vrtić, odnosno u redovnu školu, prolazi jedan proces adaptacije, naravno i opservacije. U tom procesu opservacije učestvuju odgajatelji, u ovom slučaju u vrtiću, odnosno nastavnici, učitelji i nastavnici koji su u nastavi i predaju djetetu. U tom procesu opservacije učestvuju i mobilni stručni tim. Mi smo na Kantonu Sarajevo na bazi Pravilnika o inkluzivnom obrazovanju imenovali mobilni stručni tim koji je resursni tim za sve odgojno-obrazovne ustanove i Javnu ustanovu Djece Sarajevo, ali i privatne predškolske ustanove. Kada se izradi opservacija i uradi individualno prilagođeni program, tada se procjenjuje i angažman asistenata. Nije riječ o ličnim asistentima jer naši pedagoški standardi i normativni ne podrazumijevaju niti prepoznaju mogućnost angažmana ličnog asistenta kakav postoji u sistemu socijalne zaštite, ovdje je riječ o asistentima u grupi, kada govorimo o vrtićima, odnosno asistentima u nastavi kada govorimo o osnovnim i srednjim školama. Ta podrška asistenta ide u smjeru što većeg osamostaljivanja

djeteta, a nosilac cjelokupnog procesa inkluzije su odgajatelji, odnosno nastavnici u redovnoj nastavi. Podsjetit ću da, recimo, inkluzija nije pitanje koje se može uzeti ili ostaviti. Mi smo, dakle, krenuli putem potpune implementacije inkluzivnog pristupa u obrazovanju i to obavezuje sve ustanove, odgojno-obrazovne ustanove, kako javne ustanove, tako i privatne ustanove. Zakon o predškolskom odgoju i obrazovanju u članu 54 definiše da je osnivač ustanove, u ovom slučaju je to fizičko ili pravno lice u obavezi da osigura sredstva za rad, osnivanje i provođenje programa i isti član, govori i o obavezi da se osiguraju plate i naknade plata uposlenicima. Dakle, i Javna ustanova Djeca Sarajeva ima svoje asistente koji se finansiraju iz budžeta, također na bazi ovog na osnovu Zakona o osnovnom odgoju i obrazovanju, predškolskom odgoju i obrazovanju, ali i Zakon o budžetu i Zakonu o izvršenju budžeta, jednako tako i privatne predškolske ustanove imaju obavezu da finansiraju angažman asistenata, odnosno platu i naknadu plate asistenta onoliko koliko je procjena svih ljudi uključenih u proces opservacije djeteta. Veoma je važno reći da, ako se utvrdi odmah po saznanju da je riječ o teškoj ili težoj teškoći, asistent se može odmah dodijeliti kako bi se olakšao fascilitirao sam odgojni proces, odnosno nastavni proces u školi. U tom svjetlu zaista Ministarstvo je jasno komuniciralo sa privatnim predškolskim ustanovama da je ovo njihova obaveza. Mi radimo nadzor i pozivamo zaista sve roditelje djece sa teškoćama da u ovoj jednoj prvoj godini, gdje smo zaista širom otvorili vrata i omogućili pristup djeci sa teškoćama u redovne vrtiće, da upravo evo i kroz direktni kontakt sa ministarstvom, sa predškolskim ustanovama, naravno i zastupnicima i zastupnicama, osiguraju da prebrodimo ove početne, rekla bih, dječje bolesti u implementaciji inkluzije u vrtićima. Mi smo to već sve prošli u školama, sad je evo red na vrtiće, ali mislim da je ovo priča koja ima veliki potencijal za razvoj i prevaziti ćemo ovo, sigurna sam, kroz dobar nadzor nad zakonitošću rada, dobar stručni nadzor i evo jednu svojevrsnu komunikaciju i koordinaciju svih aktera za dobrobit djece. Hvala vam za pitanje.

Elvedin Okerić (Predsjedavajući)

Nemamo više prijavljenih ministrica i ministara. Nezadovoljstvo odgovorima prvi se javio kolega Jasmin Šaljić.

Izvolite, imate riječ.

Jasmin Šaljić (poslanik/zastupnik)

Ja sam generalno zadovoljan odgovorom ministra unutrašnjih poslova.

Mi zastupnici nekad znamo i neugodna pitanja da postavljamo, ali on sam korektno potruđi uvijek da neki odgovor, naročito sam zadovoljan u ono dijelu gdje četiri mjesta za radar su predviđena u ovoj godini, to je ulica Adema Buče i ne znam još koja ste naveli. Rekli ste da ćete djelovati prema Upravi policije, da tamo postoji neka komisija kao određuje gdje će se postaviti radari. Pa evo, mi ćemo uvijek kao Skupština, ja kao zastupnik ću poslati isto inicijativu uprave policije jer mi moramo gledati glas građana. Znači građani su ogorčeni Odlukom, možete sami da vidite na stranici Vlade, Facebooku stranici koja se vodi i na portale, na odluku da 7 radara stavimo na 25 km. To je samo za turiste, to je na naš obraz. Vama hvala u svakom slučaju, a ja ću dalje prema Upravi policije i molim vas da i vi nastavite isto.

Elvedin Okerić (Predsjedavajući)

Zahvaljujemo se zastupniku Šaljiću. Zastupnica Admela Hodžić se javila za riječ.

Admela Hodžić (poslanik/zastupnik)

Zahvaljujem predsjedavajući. Pa imala sam pitanje za premijera, ali mislim da nije bio tu kada sam postavila pitanje, moguće da nije čuo. Pitala sam za javna kantonalna poduzeća koja se finansiraju Budžetom Kantona Sarajevo, a koja nisu dostavili i svi oni, naravno, koji ima i obavezu Skupštini dostaviti svoje poslovne financijske izvještaje, to nisu uradili, pa možda dvije, tri godine unazad. Zanima me razlog i zanima me zašto je to tako? Evo, premijeru, imate li sad informaciju ili da dostavite u pisanoj formi ako ne možete sad odgovoriti, hvala.

Elvedin Okerić (Predsjedavajući)

Premijeru, hoćete li? U pisanoj formi, OK.

Zastupnik Faruk Kapidžić se javio za riječ.

Faruk Kapidžić (poslanik/zastupnik)

Zahvaljujem. Pa ovo je zapravo moje zadovoljstvo odgovorom iz dva razloga. Prvo što već dva puta na Skupštini postavljam pitanja za vezano za ovu pumpu kod aerodroma i nelegalno gradnju na Soukbunaru broj 39, uz rezervoar vodovoda, pa nisam dobivao odgovora, tako da sam zadovoljan po toj osnovi, da sam dobio odgovor od premijera, a zadovoljan sam i po osnovi da će ovu Odluku o zaštiti vode staviti na ovaj na sjednicu. Mada sam imao ljudsku obavezu da mu skrenem pažnju, da ne stavljaju onakvu odluku sa onakvim granicama, obzirom da je onakva ista odluka bila meni na stolu u Ministarstvu 2020 godine sa svim potrebnim elaboratima i dokazima da je to nešto najispravnije, to od tadašnjeg načelnika SDA i tada je Vlada bila SDA-ova, pa sam ja to, nisam dozvolio da se usvoji na Vladi, a ne spusti i na Skupštinu jer je to takva bruka.

A sada je Vlada od NIP-a i ministar je NIP-ov i načelnik je NIP-ov, tako da mi je drago da se otvori ta tema i da iznesem sve što sam onda prešutio, ali nisam dozvolio uopće da izađe u javnost takva odluka kriminalna. Hvala.

Elvedin Okerić (Predsjedavajući)

Zahvaljujem se zastupniku Kapidžiću, za riječ se javio zastupnik Muamer Bandić.

Muamer Bandić (poslanik/zastupnik)

Hvala predsjedavajući. Evo, zahvaljujem se ministru za visoko obrazovanja na odgovoru. Dakle, odgovor na moje pitanje bio je samo djelimičan. Ministar se pozvao, pozvao se na jedan dio, odnosno jedan dio poslova koji je on omogućio sekretaru da obavlja, a koji je propisan, dakle, podzakonskim aktom. Međutim, ono što ja želim da kažem ministru, ja razumijem i kratkoću vremena u kojem je on imenovan u novu Vladu i da treba da jako dobro se upozna sa svim ovim zakonskim propisima koje sam ja pročitao jer ovdje se isključivo traži odgovornost ministra. Jedna slična situacija se desila ovakva u Ministarstvu za rad, socijalnu politiku u nekom prethodnom periodu, pa je ministrica na bazi takvih sličnih postupaka dobila čak jednu, ovaj krivičnu, odnosno presudu u krivičnom postupku gdje je osuđena na ne znam neku kaznu zatvora. Iz tog razloga dakle, ministre, ja vas molim dakle, da se ne bi doveli u situaciju neku koja nije baš poželjna. Mi smo svoje povjerenje isključivo poklonili vama kao ministru, pogotovo zato što se radi o jednom vrlo značajnom ministarstvu. Dakle, i nije bilo lako ni pronaći ja sam sasvim siguran, ministra sa ovakvim kompetencijama da smo mi mogli ovaj, da damo neke takve i slične, da kažemo mogućnosti nekim ljudima koji imaju manje obrazovanje, onda ne bi tražili, ne bi tražili ljude takvih kvaliteta, a i takvog obrazovanja kao što ste vi. U tom kontekstu ja mogu da razumijem da ovaj pravni dio možda niste baš najbolje, evo da kažem upoznatim, ne mislim da je to ni vaša odgovornost, ali evo, skrenut ću vam pažnju. Dakle, da

ste vi ovim rješenjem ne dali sam mogućnost, ovaj da se signira, pošto je već, dakle, da cjelokupan posao jednog ministarstva obavlja sekretar i da na kraju on ima mogućnost da sve dokumente, dakle i koje potpiše on sam i opečati. Dakle, pored ovog procesnog dijela ministre kojeg vi imate mogućnost da neko određuje, u materijalnom djelu, apsolutno nitko osim vas nema pravo, da odlučuje o bilo kojem pravu koje proizilazi iz oblasti ovog Ministarstva. Zahvaljujem se.

Elvedin Okerić (Predsjedavajući)

Zastupnica Fatima Gavrankapetanović -Smailbegović se javila za riječ, izvolite.

Fatima Gavrankapetanović-Smailbegović (poslanik/zastupnik)

Hvala. Ja se zahvaljujem ministru Vraniću na odgovorima, međutim, vjerojatno nije čuo ovaj jedan dio mog pitanja koje mi je jako bitno da odgovori, a to je da li postoji mogućnost da određeni broj finansira Zavod za zapošljavanje? Zahvaljujem se.

Elvedin Okerić (Predsjedavajući)

Želite da dopunite odgovor? Izvolite, ministar.

Haris Vranić (ministar)

Hvala predsjedavajući. U pravu je profesorica Gavrankapetanović, nisam čuo dakle, to pitanje. Postoji jedna inicijativa da i kroz Zavod za zapošljavanje se određeni broj specijalizacija finansira. Ja nisam upoznat sa tom mogućnosti, međutim, jutros sam upravo poslao poruku prema, ja mislim da je v.d. direktorica Zavoda za zapošljavanje, da se iza ovih bajramskih praznika nađemo i da vidimo koje su to pravne mogućnosti da i Zavod zdravstvenog zapošljavanja učestvuje u financiranju specijalizacija, s obzirom da se radi o specifičnoj situaciji u kome ti specijalizanti koji budu financirani kroz Budžet Kantona Sarajevo ili na ovaj način kroz Zavod za zapošljavanje trebali bi primati, dakle, platu koja je određena i u Kolektivnom ugovoru za specijalizante, a ne znam da li Zavod za zapošljavanje ima tu mogućnost da ih finansira u punom obimu, kako je to i Kolektivnim ugovorom raspisano i evo iduće sjednice, evo pozivam i zastupnicu Gavrankapetanović da nam se pridruži na tom sastanku, pa možemo zajedno doći do nekakvog zaključka koji, naravno, u interesu da što više mladih dobije specijalizacije. Hvala.

Elvedin Okerić (Predsjedavajući)

Ja sada predlažem pauzu od petnaestak minuta prije nego što prijeđemo na izjašnjenje o inicijativama. Pauza 15 minuta. A zamolio bi predsjednike klubova da izvršimo konsultacije gore u sali 100.

NASTAVAK NAKON PAUZE

NAPOMENA: NIJE SNIMLJEN POČETAK NAKON PAUZE

Elvedin Okerić (Predsjedavajući)

....Tijela za izradu novog Poslovnika Skupštine Kantona Sarajevo, u skladu sa prijedlogom kolege Devića, uvrstili smo u radnu grupu i zastupnika Damira Marjanovića.

Zamolio bih službu da pripremi anketu za izjašnjenje, a zastupnice i zastupnike da se izjasne o inicijativi formiranja radnog tijela za izradu novog Poslovnika Skupštine Kantona Sarajevo.

Zaključujem glasanje. Molim službu da objavi rezultate glasanja. Za je glasalo 29 zastupnika, protiv i suzdržanih nije bilo.

Konstatujem da je Skupština usvojila ovu inicijativu.

Inicijativu koju je podnijela zastupnica Elza Gaković, inicijativa sadrži očitovanje Vlade s obzirom da se radi o financijama, tako da će inicijativu, bit će proslijeđena Vladi, a tek nakon očitovanja Vlade onda će biti osnova za izjašnjenje Skupštine.

Deklaracija koja je podnesena od zastupnice Marijele Hašimbegović.

Kada su u pitanju deklaracije, ja ću pročitati šta to kaže član 169. Poslovnika. Deklaracija, odluke, deklaracije, rezolucije, preporuke vrši se po odredbama ovog Poslovnika koje se odnosi na postupak za donošenje zakona, s tim što se u postupku za donošenje ovih akata ne izrađuje nacrt akta, ukoliko Skupština drugačije ne odluči. Izuzetno, prijedlozi svih akata mogu se podnositi na samoj sjednici, ukoliko za to postoji neodložna potreba. Ja sad pozivam sjednicu Skupštine Kantona Sarajevo da procijeni da li je, da li je Skupština saglasna, da ovo razmatramo i da ovo stavljamo po hitnoj proceduri. Deklaracije imaju svoj način podnošenja, kao što sam kazao, kao što se i zakoni postoje, znači na redovnim sjednicama da bude točka dnevnog reda, međutim imamo također mogućnost da se možemo po hitnoj proceduri izjasniti, i evo, ja pozivam zastupnice i zastupnike da se izjasne da li ćemo ovu deklaraciju tretirati po hitnom postupku, a onda ću kazati ako Skupština prihvati.

Poslovnička intervencija, zastupnik Mahir Dević.

Mahir Dević (poslanik/zastupnik)

S obzirom da nam uvodite neku novu praksu koja do sada nije bila prisutna u Skupštini Kantona Sarajevo, trebali ste prvo otvoriti eventualno neku raspravu, to bi bilo demokratski, a ne da uzimate sebi pravo da nešto stavljate na glasanje van Poslovnika? Znači praksa do sada je bila da ko god je predložio deklaraciju, Skupština se izjašnjavala o toj deklaraciji. Član Poslovnika koji ste pročitali, zbog njega sam se ovaj i prijavio, podrazumijeva da onaj ko je predlagatelj ustvari sam procijeni način i model kako da se mi očitujemo spram toga. Znači, u pitanju jedan politički stav kojeg je eventualno iznio DF. Mi možemo imati drugačije političke stavove od njih, ali nemamo pravo bilo kom klubu da osporimo da predloži deklaraciju. Znači ja sam drugi mandat u Skupštini, nikada se nije desilo ni jednom zastupniku da je onemogućeno pravo da se o njegovoj deklaraciji glasa. Znači, ja to svjedočim evo, već u drugom mandatu. Tako da pozivam nas sve zajedno da ne kršimo Poslovnik, da se ta deklaracija stavi na glasanje, neka svako glasa po savjesti kako misli da treba glasati, jer to je u stvari zauzimanje političkog stava, ništa više i nemojte vi to stavljati u neke zakonske okvire. I taj član Poslovnika je kontradiktoran sam sebi. Znači, zakon podrazumijeva i fazu nacrtu i prijedloga i hitnost i skraćenog postupka, ja ne mogu prejudicirati koji model su kolege odabrali. Možda je ovo za njih hitno, pretpostavljam da jest čim su danas to predložili, jer ga nisu predložili prije 6 mjeseci, predložili su ga kao odgovor na aktualnu temu oko vodozaštitne zone koju ste vi povukli jučer je sa sjednici i zato su ga predložili, pa ne bi ga predložili danas da je to bila tema prije 6 mjeseci. Znači, mislim da bi njih trebalo pitati, u stvari, da li oni smatraju da Skupština skupštine, po njihovom pravu, zastupničkom, treba danas da se o tome izjasni, a ne da mi oduzimamo njihovo pravo i da im mi govorimo što će oni raditi, to je naš stav.

Elvedin Okerić (Predsjedavajući)

Zahvaljujemo se zastupniku Deviću. Evo ja ću još jednom pročitati član Poslovnika 169, koji je jasan i nedvosmislen, gdje kaže: "Donošenje deklaracija, između ostalog i preporuka, vrši se po odredbama ovog Poslovnika koje se odnose na postupak za donošenje zakona". On je vrlo jasan. I na kraju: "U koliko Skupština ne odluči drugačije". Ja pozivam Skupštinu, stavljam ovo na glasanje da li će Skupština se odlučiti drugačije. I to je to. Tako da. Zastupnik Irfan Čengić, izvolite, imate riječ.

Irfan Čengić (poslanik/zastupnik)

Također, kao povreda Poslovnika, jedino gdje bi mogla biti ovo povreda da se o ovome izjašnjava prilikom usvajanja dnevnog reda, a ne prilikom usvajanja inicijativa i u potpuno podržavam predsjedavajući, znači deklaracija je akt, kao i odluka, kao i svaki drugi akt, znači to mora biti tačka dnevnog reda. To što je nešto bila praksa ne znači da je ispravna praksa, a i praksa uopće nije izvor prava. Dakle, na našem pravnom sistemu, posebno što i član u hitnim postupcima zakona kaže da Skupština odlučuje o hitnostima. Dakle, ja kao zastupnik Irfan Čengić mogu predložiti zakon po hitnom postupku, ali ne znači da će se on razmatrati po hitnom postupku, nego će o tome odlučiti Skupština prilikom utvrđivanja dnevnog reda. Dakle, ovakvu smo praksu imali s još jednom deklaracijom, pa smo progledali kroz prste zadnji put kad je SDA nešto predlagala, pa smo svi glasali. Ja stvarno molim da se poštuje Poslovnik, da se deklaracija, rezolucije, zaključci, odluke razmatraju kao i svi drugi akti i da oni idu kao tačka dnevnog reda, ukoliko se uopšte podrže, to bude dnevni red. Tako da eventualno, da li da glasamo sada ili prilikom usvajanja dnevnog reda, to neka rukovodstvo procijeni, ali mislim da se mora glasati o hitnom postupku.

Elvedin Okerić (Predsjedavajući)

Zastupnik Muamer Bandić se javio za riječ.

Muamer Bandić (poslanik/zastupnik)

Hvala predsjedavajući. Evo, kolega Mahir Dević je iznio da ova tačka člana 169. Poslovnika da, ona je kontradiktorna sama sebi. Bez obzira jel kontradiktorna, ili nije, ona je takva kakva jeste i za nas se obavezujuća, dakle u punom kapacitetu ove odredbi, dakle, jasno stoji, dakle, kako se donose odluke, kako se donosi odluke i deklaracije, dakle i ukoliko se radi u hitnom postupku, jasno je propisano u stavu 2 u stvari, na koji način se i ko izjašnjava o hitnosti postupka. Tako da vas molim da ne dezavuišemo javnost i da govorimo da radimo suprotno Poslovniku. Ukoliko postoji povreda Poslovnika ja bih volio da mi kaže koja je to tačno odredba Poslovnika povrijeđena. Okolnost, da sam sasvim siguran da nije povrijeđena ni jedna odredba Poslovnika i nikad ne bih postupio na način da povrijedimo Poslovnik jer je on za nas Ustav ovdje i zakon i, dakle, ne postoji drugi pravni akt koji nas može upućivati na bilo koji postupak, tražim da se postupi u skladu sa Poslovníkom kako je to propisano članom 169. Hvala.

Elvedin Okerić (Predsjedavajući)

Poslovnička intervencija zastupnik Mahir Dević.

Mahir Dević (poslanik/zastupnik)

Kolega Bandiću vi ste pravnik, slušajte sada ovaj član, molim vas, nemojte da vam čita predsjedavajući jedan stav, pa vam on tu stavi tačku iza tog stava. Znači slušajte do kraja. "Donošenje odluka, deklaracija, rezolucija i preporuka vrši se po odredbama ovog Poslovnika

koji se odnose na postupak za donošenje zakona". Znamo koji su postupci, donošenje zakona, da vam to ne nabrajam, skraćeni postupak, redovni, hitni itd itd. "S tim što se u postupku za donošenje ovih akata ne izrađuje nacrt akta". Znači "zarež ukoliko Skupština drugačije ne odluči". Odnosno ukoliko Skupština ne odluči da bude i nacrt. E to Skupština može odlučiti gospodine Bandiću, vi ste pravnik.

"Izuzetno prijedlozi ovih akata mogu se podnositi i na samoj sjednici, ukoliko za to postoji neodložna potreba". E, ja sam sad ovdje kazao samo sljedeće, da li postoji neodložna potreba za ovo, predlagatelj treba o tome da se izjasni, jer nigdje se pravo Skupštini ovdje ne daje. I ja ne znam šta je vama ovdje nejasno, vi ste pravnik. Stvarno ne znam šta vam je nejasno. Znači ovo ukoliko Skupština drugačije ne odluči je zarež kolega istog stava da se taj akt može vratiti odlukom Skupštine da bude i nacrt. Znači, ljudi da nisu htjeli o ovom da se mi danas izjašnjavamo, pa ne bi to ovaj, kako se zove, predložili, a pozvati ću vas i na prava i dužnosti zastupnika član 12 Poslovnika o radu Skupštine, gdje se kristalno jasno kaže koja su njihova prava i dužnosti i ne treba ih oduzimati. I nemojte ovaj čitati parcijalno, pročitajte cijeli član, a ne jedan stav, pa stavite tačku a imate još dva stava iza. Hvala.

Elvedin Okerić (Predsjedavajući)

Kolega Mahire, ne možemo dozvoliti, čak to ni Poslovnik ne dozvoljava, da zastupnici određuju karakter hitnosti. Sada zamislite da mi imamo da mi imamo danas 10, 15 deklaracija gdje želimo da svi hitno da se izjasnimo. Skupština odlučuje o karakteru hitnosti, da li ćemo ovo razmatrati ili ne. Nemoguće je, nemoguće je ovo što vi predlažete. Ovdje, kaže: izuzetno, "prijedlozi ovih akata mogu se podnositi" jer Skupština to, naravno, svako može donijeti ovdje papir i podnijeti, ali će Skupština odlučiti hoće li o tome razmatrati ili neće. Kolega Irfan Čengić se javio za riječ.

Irfan Čengić (poslanik/zastupnik)

Dakle, kao što ne treba članove parcijalno čitati, tako ne treba ni Poslovnik parcijalno čitati. Hitni postupak i neodložna potreba je regulisana u članu 159. i 161 Poslovnika o radu Skupštine, kako se utvrđuje, da li je nešto neodložna potreba i da li je nešto hitni postupak. Dakle, o tome Skupština određuje, određuje se prije usvajanja dnevnog reda. Dakle Skupština procjenjuje da li je nešto neodložna potreba i skupština procjenjuje da li je nešto hitni postupak, odnosno da li se taj prijedlog za hitni postupak prihvata? Dakle, deklaracija je akt kao i svaki drugi akt, i sam Poslovnik kaže da se donosi po proceduri zakona, a procedura zakona kada se utvrđuje neodložna potreba kaže da ga Skupština Kantona Sarajevo utvrđuje. Dakle, Vlada Kantona može predložiti zakon po hitnom postupku, ali mi prije dnevnog reda glasamo da li je to hitni postupak ili nije. Ako jeste, onda se izjašnjavamo, ako nije, to se vraća u redovnu proceduru. Tako da molim samo predsjedavajućeg prije usvajanja dnevnog reda da se izjasnim o ovome i mislim da bez potrebe stvaramo ovdje da li je nešto po Poslovniku ili nije, apsolutno ste u pravu.

Elvedin Okerić (Predsjedavajući)

Evo, dat ću priliku još po jedno javljanje kolegama. Zastupnik Muamer Bandić, pa onda zastupnik Mahir Dević, a vi ste prije bili.

Zastupnik Mahir Dević.

Mahir Dević (poslanik/zastupnik)

Naravno, ja ne želim s vama da se raspravljam na ovu temu, pogotovo što SDA nije predlagatelj ove deklaracije. Da je SDA, predlagatelj ove deklaracije, mi bi večeras raspravljala do 21 sat,

vjerojatno braneci naše stavove. Ja ovdje govorim samo kao zastupnik i govorim kao šef Kluba SDA koji je protiv vašeg rada i djelovanja unutar ove Skupštine vodio procedure 10 apelacija pred Ustavnim sudom i dobio vas 10:0. Nemojte, moja poruka je to. Znači ja sam na prvom sastanku kad smo ga imali, tražio sam jednu stvar da poštujemo Poslovnik i da se poštujemo međusobno. Ja razumijem da vi imate možda drugačiji politički stav, pa da vam je teško, sada želite da pobjegnute od glasanja, ali to je politika, ljudi, morate donijeti odluku, nemojte oduzimati pravo nekome da izrazi svoj politički stav u ovoj Skupštini, a očigledno je da to kolege žele da izraze svoj politički stav, to nije dobro, da se tako radi, jer skupština zato i postoji. To je moj apel, evo ja više neću čitati odredbe, jednom sam ih pročitao, nemam potrebe da raspravljamo na ovu temu više. Uradite kako god mislite da trebate, prekršite Poslovnik, ne bi vam bio to prvi put, nego 1001 put.

Elvedin Okerić (Predsjedavajući)

Zastupnik Muamer Bandić se javio za riječ.

Muamer Bandić (poslanik/zastupnik)

Hvala predsjedavajući. Evo, dakle, kolega Devčić je rekao da u prethodnim prethodnom mandat je bilo pokretanja postupaka pred Ustavnim sudom i da su riješeni tako kako jesu riješeni. Ja smatram, dakle, da u ovom slučaju mi ne kršimo Poslovnik, dakle i da Poslovnik je jasno precizirao na koji način se donosi deklaracije. Dakle u kontekstu ovoga što je rekao kolega Devčić, dakle, ne vidim koju odredbu Poslovnika, ja sam ga pitao da nam kaže koju odredbu Poslovnika točno smo povrijedili. Dakle, prije svega, ovdje se radi o materijalu koji je pokrenut prilikom donošenja pitanja i pokretanja inicijativa. Dakle i taj materijal ne možemo tretirati kao donošenje zakona, jer se u toj, jer se u toj fazi, ovo što je gospodin Mahir Dević rekao ne može. Pa Mahire mogu li završiti?

Elvedin Okerić (Predsjedavajući)

A molim vas.

Muamer Bandić (poslanik/zastupnik)

Zato što je pogrešno definirana. Dakle, on ukoliko pokreće deklaraciju po ovom članu, dakle 169. Skupština se izjašnjava, jer se pozivamo na član 159 pardon, 169, pozivamo se na član 160 i 161, u kojem je jasno definirano o hitnosti postupka ko se izjašnjava? Dakle, kolega Dević je dobro rekao, on je predlagač, odnosno DF je predlagač, a to je, dakle, u fazi prijedloga i o tome se Skupština izjašnjava. Ne može, dakle, predlagač odlučiti u ime Skupštine da li će to biti nama dato na mogućnost da prihvatamo odmah kao hitnost postupka. Dakle, Skupština je ta koja procjenjuje je li hitnost postupka u pitanju ili nije, na prijedlog, u ovom konkretnom slučaju DF-a. I to je u dispoziciji isključivo Skupštine kao organa, a ne kao kluba ili pojedinca predlagača. Hvala.

Elvedin Okerić (Predsjedavajući)

Zahvaljujem kolega Bandiću. Mi prelazimo na izjašnjenje. Molim službu da objavi anketu za izjašnjenje, a molim također zastupnice i zastupnike da se izjasne o hitnosti izjašnjavanja deklaracije koja je pročitana od strane zastupnice Marijele Hašimbegović.

Da li Skupština smatra, da li Skupština smatra da se trebamo izjašnjavati po ovome po hitnom postupku? Eto, po hitnoj proceduri? Da li ovo? Da li je ovo hitna, neodložna potreba za izjašnjavanjem?

Zaključujem glasanjem. Molim službu da objavi rezultate glasanja. Za je glasalo 9, protiv 3, suzdržanih 12.

Konstatujem da Skupština nije prepoznala karakter hitnosti kada je u pitanju ova deklaracija. Prelazimo na tačku. Zastupnik Mahir Dević traže riječi.

Mahir Dević (poslanik/zastupnik)

Hvala predsjedavajući. Ovim odbijanjem Skupštine ili većine, parlamentarne većine, odnosno Skupštine jel samim tim većine, jel, da se danas glasa u ovoj tački dnevnog reda, to sada praktično znači da ćemo mi na narednoj sjednici glasati o ovom jel?

Elvedin Okerić (Predsjedavajući)

Pa naravno, u skladu s procedurom s Poslovnikom se dostavi. Tako je.

Mahir Dević (poslanik/zastupnik)

Deklaracije nisu redovne tačke rada Skupštine Kantona Sarajevo, gospodo.

Elvedin Okerić (Predsjedavajući)

Isto kao i odluke. Dobro, molim vas. Prelazimo na tačku 2.

Verifikacija odluka.

Zamolio bih malo za mir u sali.

Tačka dva.

AD-2.

Verifikacija odluka Odbora za javna priznanja

Materijal ste dobili uz poziv za sjednicu. S obzirom da sam predsjedavajući Odbora za javna priznanja Kantona Sarajevo, podnijet ću uvodne napomene.

Zamolio bih vas, molim vas, malo tiše. Kolega Irfan i kolega Dević, molim vas.

- Odbor za javna priznanja Kantona Sarajevo utvrdio je tekst Javnog poziva za dodjelu priznanja Kantona Sarajevo na sjednici održanoj 10.03.2023. godine, koji je bio objavljen 13.03.2023.godine u trajanju od 15 dana na zvaničnoj web stranici Kantona Sarajevo, u dnevnim listovima Avaz i Oslobođenje, na svim društvenim mrežama Kantona Sarajevo, te oglašavan pred centralnu informativnu emisiju na TVSA.

Nakon zatvaranju javnog poziva:

- Odbor je na sjednici održanoj 5.04.2023.godine razmatrao pristigle prijave na Javni poziv za dodjelu priznanja Kantona Sarajevo za 2021.g. sa obrazloženjima, kao i prijedloge Odbora neposredno, te u skladu sa Zakonom o javnim priznanjima Kantona Sarajevo i Poslovnikom o radu Odbora, donio, jednoglasno, slijedeće odluke :

Diego Enrique Arria Salicetti, proglašava se Počasnim građaninom Kantona Sarajevo, zbog izuzetnih zasluga u širenju istine o dešavanjima na prostoru Bosne i Hercegovine u vrijeme agresije, te doprinosu u razvijanju međunarodnih odnosa na načelima solidarnosti i demokratičnosti.

Zatim, Ivica Kostelić, proglašava se Počasnim građaninom Kantona Sarajevo zbog izuzetnih zasluga u promociji Kantona Sarajevo kao važne turističke skijaške destinacije u Europi i svijetu, te doprinosa razvoju i unapređenju skijaškog sporta u Kantonu Sarajevo.

Da se Plaketa Kantona Sarajevo dodijeli sljedećim pojedincima:

Prof.dr.Halimi Resić kao priznanje za izuzetna postignuća u oblasti nefrologije, te za aktivan akademski angažman i nesebično zalaganje u pružanju podrške ljekarima i pacijentima u Bosni i Hercegovini.

Lani Pudar kao priznanje za izuzetne sportske rezultate, te doprinos razvoju sporta i afirmaciji Kantona Sarajevo i države Bosne i Hercegovine.

Prof.dr. Mustafi ef. Ceriću kao priznanje za izuzetan doprinos i višedecenijsko zalaganje za dijalog i toleranciju, te uspjehe u međureligijskom, kulturnom i društvenom djelovanju u Bosni i Hercegovini i u svijetu.

Da se Plaketa Kantona Sarajevo dodjeli sljedećim kolektivima:

Udruženju boraca-maloljetni dobrovoljci odbrambeno-oslobodilačkog rata '92.-'95 Kantona Sarajevo kao priznanje za izuzetan doprinos u odbrani Kantona Sarajevo, države Bosne i Hercegovine i njenih civilizacijskih vrijednosti, te za doprinos na resocijalizaciji, rehabilitaciji i integraciji boračke populacije u društvo.

Atlantic Argeta d.o.o Sarajevo kao priznanje društveno- odgovornoj kompaniji za izuzetan doprinos razvoju i unapređenju privrede Kantona Sarajevo i države Bosne i Hercegovine.

Udruženju za podršku porodicama sa djecom i osobama sa poteškoćama u razvoju Colibri kao priznanje za doprinos u podizanju svijesti o djeci i osobama sa poteškoćama, te za nesebično zalaganje i podršku porodicama u cilju njihove integracije u sve oblasti društvenog života.

Gorskoj službi spašavanja Kantona Sarajevo kao priznanje za izuzetnu hrabrost, doprinos i nesebičnu podršku u spašavanju ljudskih života i materijalnih dobara na području Republike Turske i Sirije.

Te da se Plaketa Kantona Sarajevo, posthumno, dodjeli:

Muftiji Muameru ef. Zukorliću, posthumno, kao priznanje za nemjerljiv doprinos u afirmaciji Bošnjaka u oblastima vjere, kulture i obrazovanja, kao i za promociju i razvoj dijaloga, te procesa pomirenja.

Segmedini Srna-Bajramović, posthumno, kao priznanje za izuzetan doprinos razvoju i kreiranju društveno-političkog života u Kantonu Sarajevo i državi Bosni i Hercegovini, te za uspostavljanje pravnih okvira i javnih politika u oblasti promocije ženskih prava, te brige i zaštite socijalno-ugroženih kategorija.

Hasanu Čengiću, dodjeljuje se, posthumno, kao priznanje za izuzetan doprinos u odbrani države Bosne i Hercegovine.

Saši Petroviću, posthumno, kao priznanje za izuzetan doprinos razvoju i afirmaciji pozorišne i filmske umjetnosti u Bosni i Hercegovini.

Dušanu Toholju, posthumno, kao priznanje za doprinos razvoju i čuvanju kulturno-historijske građe i bibliotekarskog fonda na području Kantona Sarajevo.

prof. Midhatu Ridanoviću, posthumno, kao priznanje za izuzetan doprinos u procesu obrazovanja kroz istaknuti rad u naučnoj, nastavnoj i stručnoj oblasti na polju lingvistike.

Ovogodišnjim prijedlozima iskazuje se spremnost da se promovišu uspješni i društveno odgovorni pojedinci i kolektivi, kao primjeri, koji su se zalagali ili zalažu za unapređenje

cjelokupnog sistema i procesa u našem društvu, razvoja dijaloga i procesa pomirenja, te promocije države Bosne i Hercegovine, kao i naroda koji u njoj žive.

Prijedlog je za ovogodišnje laureate sa obrazloženjima ste dobili uz materijal za ovu sjednicu Skupštine Kantona Sarajevo, obzirom da se isti dostavljaju Skupštini Kantona Sarajevo na verifikaciju, a u skladu sa članom 6. Zakona o javnim priznanjima Kantona Sarajevo.

Da li predstavnici radnih tijela žele reći?

Ima li pitanja?

Zastupnik Damir Marjanović? Izvolite, imate riječ.

Damir Marjanović (poslanik/zastupnik)

Zahvaljujem. S obzirom da uvijek ovakve tačke izazovu zanimljive diskusije. Prije nego što krenemo diskusiju, a da bi znao u kojem pravcu diskutujem, zamolit ću vas da mi odgovorite na sljedeće pitanje. Prvo prema sekretarki Skupštine Kantona Sarajevo jedno malo tumačenje, kao pravnik, kao i svako ko ima to pravno znanje možda bi mogao pojasniti. Pred sobom imam član, imam zakon koji se zove Zakon o javnim priznanjima Kantona Sarajevo novi prekršajni tekst iz 2010 godine, član 6. jasno kaže "O dodjeli javnoga priznanja iz člana 3. i 4. Zakona odlučuje odbor koji je na prijedlog Komisije za izbor, imenovanja i administrativna pitanja Skupštine, u daljnjem tekstu Komisija, imenuje Skupština. E sad ima i član 8. koji utvrđuje, kaže šta odbor treba da uradi, a onda čini mi se da u članu 6 kaže se da javno priznanje iz prethodnog stava verifikuje Skupština. Sad mi samo da pojasnim primarno sebe, a i javnosti, da li mi u ovome momentu kao članovi Skupštine dodjeljujemo priznanje, donosimo odluku ko dobiva, a ko ne dobiva priznanje ili samo verificiramo odluku Odbora?

Ili u prijevodu, kada bude, jel ovo za ove novinare pošto će vjerojatno sutra pisati pa samo da znamo tko je donio odluku o ovim javnim priznanjima, Odbor ili Skupština? Jako me zanima riječ vaše tumačenje, šta znači riječ verificirati?

To je pravo pitanje, a drugo pitanje je prema Odboru koji je radio na ovome. Zanima me po kojem pravilniku ste radili i zanima me na koji način koji su to bili kvalitativni i kvantitativni kriteriji kojima se ustanovilo da netko zaslužuje neko priznanje ili ne? I tačno me zanima koliko je bilo prijavljenih kandidata, a koliko je dobilo vaše pozitivno mišljenje, a koliko nije dobilo pozitivno mišljenje? Govorim i o pojedinačnim kandidatima i eventualno, eventualno kompanijama itd itd. Hvala velika.

Elvedin Okerić (Predsjedavajući)

Zastupnik Irfan Čengić se javio za riječ.

Irfan Čengić (poslanik/zastupnik)

Kako bi mogao spremiti diskusiju i eventualno prijedloge nekih zaključaka zanima me također od sekretara Skupštine, pošto je, kao te neke stare prakse koje zastupnici ovdje sada spominju, koji je pravni osnov da bi uopšte ovako nešto glasalo u paketu. Dakle naslov tačke verifikacija odluka, dakle u množini, u materijalima su odluke pojedinačni akti. To bi isto značilo kao kada usvajamo budžet, da jednim glasanjem usvajamo budžet i Zakon o izvršenju budžeta. Dakle, ovo su odvojeni akti, da li ima ikakav pravni osnov da se akti u Poslovniku spajaju? Ukoliko ima, mi ćemo predložiti zaključak da se glasa odvojeno, a ukoliko nema, molim da se prilikom glasanja i stavi odvojeno glasanje o svakoj odluci, jer nije baš logično da se različiti pravni akti usvajaju jednim glasanjem. To bi značilo kao da tri, četiri zakona stavimo i kažem hajmo u paketu o tri, četiri zakona glasati, jer nikakve razlike nema između odluke, zaključka jer vi imate, nekada smo imali sjednice Skupštine, pa neki 60 odluka bude za stanove i slično, mislim

da se i tada pojedinačno glasova, nisam baš siguran, nisam u tom mandatu bio, ali mislim da se o aktima treba pojedinačno. Dakle, zanima me da li ima pravno utemeljenje da se u Poslovniku spajaju različiti pravni akti jednim glasanjem?

Elvedin Okerić (Predsjedavajući)

Zastupnik Muamer Bandić se javio za riječ.

Muamer Bandić (poslanik/zastupnik)

Zahvaljujem. Evo kolega je naveo, dakle jedan razlog zbog čega on traži ustvari da se o jednoj tački, dakle koja je danas na dnevnom redu, a koja sadrži pojedinačne odluke kao pravne akte, izjasnimo pojedinačno. Ja tražim da ovu tačku objedinimo jer se radi, dakle, o pojedinačnim aktima, a ne, kako je kolega Čengić naveo, da u ovakvom slučaju bi mogli da donosimo više zakona. Dakle zakoni su propisi, nisu pojedinačni akti, odnose se na, da kažemo jednu širu pravnu oblast, dok se ovi pojedinačni akti ne odnose na širu pravnu ovlast, dakle odnose se na pojedinačne odluke koje proizvode pravne posljedice, dakle u toj samo konkretnoj oblasti. Tako da ukoliko Poslovnikom nije propisano i nemamo predviđenu ovu mogućnost, dakle, imamo istu tu situaciju kao što smo imali i u prethodnoj tački, da se Skupština, odnosno zastupnici u Skupštini izjasne na koji način ćemo se izjašnjavati o ovoj odluci, da li ovoj tački, da li, dakle, kao jedan objedinjeni materijal ili pojedinačno o svakoj odluci. Hvala.

Elvedin Okerić (Predsjedavajući)

Evo, ja ću dati dio s obzirom da sam predsjednik Odbora za javna priznanja, dat ću svoj dio odgovora. Zakon o javnim priznanjima Kantona Sarajevo jasno kaže: "O dodjeli javnog priznanja i članova 3. i 4 ovog Zakona odlučuje Odbor koji na prijedlog Komisije izbore i imenovanje administrativna pitanja Skupštine Kantona Sarajevo imenuje Skupština.

Javno priznanje iz prethodnog stava verifikuje Skupština Kantona Sarajeva". Odbor za javna priznanja je jednoglasno donio odluku o prijedlozima koje sam pročitao. Ovo su bili pristigli prijedlozi koje sam pročitao i mislim za kolektivnu plaketu bila su još dva, tri prijedloga koja po odluci Komisije nisu, zato što su već dobijali nagrade, u nekom prethodnom periodu, imali su smislene odgovore, niko nije odbijan, a u ovim drugim prijedlozima niko nije imao konkurenciju, neku drugu, pa da smo imali potrebu da nekoga izbacujemo. Evo toliko.

Možete li uključiti sekretara Skupštine?

Aida Zeković (Sekretar Skupštine)

Zastupnik Marjanović je pitao ko odlučuje o dodjeli javnog priznanja. Shodno Zakonu o javnim priznanjima Kantona Sarajevo, što smatram da je jasno propisan odredbama člana 6, koji je i zastupnik i sam pročitao, nakon toga i predsjedavajući. Dakle član. 6. jasno propisuje da o dodjeli javnog priznanja odlučuje Odbor, a Odbor znači na prijedlog Komisije za izbor, imenovanja i administrativna pitanja Skupštine imenuje Skupština. Kada je u pitanju verifikacija, verifikaciju vrši Skupština, dakle, to je potvrđivanje samih odluka. Kada je u pitanju, odnosno pitanje zastupnika Čengića da li je izričito propisano da se glasa pojedinačno, da. Samo objedinjenje tačke, naziva tačke je urađeno iz praktičnih razloga, zato što se radi o istom predlagraču, inače bi smo imali 15 tačaka, što ne bi imalo puno smisla. Dosadašnja praksa, nije izričito znači propisano niti Poslovnikom niti zakonom, na koji način se glasa. Dosadašnja praksa jeste uvijek bila da predsjedavajući predloži zastupnicima da se izjasne da li će objединiti i raspravu i glasanje o samim prijedlozima odluka. Skupština o tome odlučuje. U ovisnosti o odluci Skupštine, pristupa se glasanju.

Da, kada pitanje nije uređeno, koristi se član 3. Poslovnika, da.

Elvedin Okerić (Predsjedavajući)

Kao predsjedavajući Skupštine, kao predsjedavajući Odbora za javna priznanja, Odbor za javna priznanja je jednoglasno izglasao kompletnu ovu, kako bih rekao, paketni prijedlog. Ja kao predsjedavajući ga donosim Skupštini Kantona Sarajevo i također u ovom paketu ga predlažem. Vi ako imate potrebu da svojom inicijativom predložite drugačije da se glasamo, naravno, Skupština će se izjasniti o toj inicijativi. Ja sam pročitao prijedlog. Prijedlog.

Ko nam se sad javio.

Ja sam pročitao prijedlog Odbora za javna priznanja. Skupština Kantona Sarajevo može da se izjasni o tom prijedlogu. Ukoliko neko od zastupnika ima potrebu da podnose inicijativu koju ću staviti na Skupštinu da se izjasnimo o nekakvom pojedinačnom, evo, to može podnijeti.

Može, kolega Bandiću, izvolite.

Muamer Bandić (poslanik/zastupnik)

Dakle, poslovnička intervencija se odnosi na sljedeće. Predsjedavajući Skupštine Kantona Sarajevo. Može malo tišine da čujemo, pa možda se lakše izjasnimo? Predsjedavajući je dakle, predložio na koji način se mi izjašnjavamo. Ukoliko nekome taj način ne odgovara, nek predloži drugi.

Dakle tako, tako je predloženo. Dakle, kako ćemo sada postupiti na neki drugi način, kada taj prijedlog nemamo. Na čiji prijedlog, u stvari mi sada treba da postupimo drugačije od onog što je predloženo? Ovo je zvaničan dokument, zvaničan materijal, i zvanična procedura koja je već pokrenuta. Dakle, ovo je čak i Kolegij prihvatio kao ovakvu tačku dnevnog reda i sada ne možemo mijenjati u ovoj fazi to. Možemo, naravno, ukoliko je neko predloži neki drugi ovaj zaključak ili neku inicijativu, ali o tome se treba izjasniti Skupština. Hvala.

Elvedin Okerić (Predsjedavajući)

Zastupnik jel replika ili. Replika. Replika je zastupnik Irfan Čengić.

Irfan Čengić (poslanik/zastupnik)

Dakle, u samom zakonu se govori pojedinačno javnog priznanja, dakle ništa nije u množini, svako priznanje je pojedinačno, svaki akt je ovdje pojedinačno. Dakle, pogledajte materijal, nije uopšte zajednički materijal, možete samo sve su odvojeni brojevi odluka. Znači mi svaku odluku će gospodin predsjedavajući, ako se usvoji odluka potpisati pojedinačno, za svaku bi trebali izjašnjavati pojedinačno. Ukoliko smatra da neko, ukoliko neko smatra da treba objedinjeno, trebao bi se predložiti zaključak da se objedini glasanje jer inače mi glasamo, nemojte mi dobacivati, nisam ni ja vama, dakle, jer mi inače o svaki svim aktima odvojeno glasam i kada hoćete izuzetak od Poslovnika, trebalo bi zaključkom utvrditi da donesemo zaključak da ćemo objedinjeno glasati. Nije nama problem, mi ćemo predložiti zaključak da se glasa pojedinačno, tražiti ćemo pauzu. Ne mogu ga ja davati inicijativu jer ne postoji inicijative u okviru tačke dnevnog reda. Dakle, mi ćemo predložiti zaključak, tražiti ćemo pauzu kao Klub SDP-a i tražiti ćemo da se glasa o zaključku da se o svakom aktu glasa pojedinačno. Nama je samo bitno da znamo formulirati zaključak. Ako vi sekretarko smatrate da mi trebamo predložiti da se glasa pojedinačno, što je Poslovníkom propisano, da se uvijek pojedinačno akti glasaju, a ne zbirno, mi ćemo predložiti takav zaključak. Ako treba, mislite da predsjedavajući Okerić treba da predloži zaključak da se glasa objedinjeno, mi ćemo glasati protiv tog zaključka. Samo nam recite u pauzi koji zaključak želite da dostavimo? Da li da predsjedavajući dostavi zaključak da se glasa objedinjeno, pa da mi podržimo to ili ne

podržimo? Ili da Klub SDP-a dostavi zaključak da se glasa pojedinačno, pa da se o tome zaključku izjašnjavamo. Samo...

Elvedin Okerić (Predsjedavajući)

Replika, replika kolegi Irfanu Čengiću. Mi imamo jednu tačku dnevnog reda, jednu tačku dnevnog reda, mi bi trebali onda imati ovdje faktički 15, 16. odluka da se pojedinačno izjašnjavamo.

Ovaj Odbor za javna priznanja je također, donio jednoglasno i sve politike, svi klubovi u Skupštini Kantona Sarajevo su imali svoje predstavnike u Odboru za javna priznanja i svi su dali podršku ovome. Mi se i kao Skupština izjašnjavamo o ovom prijedlogu.

Odgovor na repliku zastupnik Muamer Bandić.

Pitanja su ovo.

Muamer Bandić (poslanik/zastupnik)

Jel predsjedavajući, dakle, nalazimo se u fazi pitanja, ali u fazi pitanja kolega Čengić postavio se u tu situaciju da je postavio odgovor na diskusiju moju, tako da nije bilo pitanje. Ja sam predložio, dakle, da se postupi onako kako je predloženo, a predloženo je, dakle, da se donese zajednička odluka, odnosno zajedničko izjašnjavanje, samo, dakle, to možemo promijeniti nekim zaključkom. Dakle, jer sad je to tačka dnevnog reda. Ovo što gospodin Čengić govori, to nije tačka dnevnog reda, moramo je promijeniti, mi imamo sada tačku dnevnog reda koji je Kolegij utvrdio i ne možemo je izmijenit sada da kažemo na ovaj način kako je to predloženo, možemo se izjasniti, dakle, na neki drugi prijedlog ili zaključak nekog od klubova i to je u redu, ali dakle kao prijedlog ostaje ovakav kakav je nama dostavljen u materijalu i molim vas da se držimo tog ovog dnevnog reda. Hvala.

Elvedin Okerić (Predsjedavajući)

Ako smo završili sa pitanjima, ima još pitanja.

Jel neko poslovničku imao od vas? Zastupnik Davor Čičić je imao poslovničku intervenciju.

Davor Čičić (zastupnik)

Da ispred kluba SDP-a tražimo pauzu od pola sata ili završite prvo pitanja, pa onda pauzu.

Elvedin Okerić (Predsjedavajući)

Kolega Marjanović u ovoj fazi nemamo nezadovoljstvo odgovorima. Može li poslije pauze? Pa ćemo kad krenemo pauza? Ajde, recite, recite šta. Uključite. Zastupnika Marjanovića.

Damir Marjanović (poslanik/zastupnik)

Samo jedno pojašnjenje, molim vas, isključivo pravno. Komisija i Odbor predložili čovjeka. Čovjek je dobio nagradu. Skupština nije verificirala. Ko, koja je ta pozicija? Znači samo malo lijepo pročitajte zakon.

Elvedin Okerić (Predsjedavajući)

Skupština mora verificovati.

Damir Marjanović (poslanik/zastupnik)

Znači zvanično, pa čekajte, pročitajte to da zakon, pročitajte dobro šta. Odluku donosi Odbor, Odbor dodijeli javno priznanje, tzn. ne da Skupština ne verifika, nego malte ne oduzima ono što je Odbor predložio. Znači ja, dobro sam shvatio OK, hvala velika.

Elvedin Okerić (Predsjedavajući)

Pauza pola sata na zahtjev kluba SDP-a.

NASTAVAK NAKON PAUZE

Elvedin Okerić (Predsjedavajući)

Nastavljamo sa sjednicom Skupštine Kantona Sarajevo nakon pauze. Dobili smo zaključak koji je došao ispred Kluba zastupnika SDP-a, te pozivam zastupnice i zastupnike da se izjasne.

Skupština Kantona Sarajevo.

Zaključak koji glasi: "Skupština Kantona Sarajevo će se izjašnjavati pojedinačno o svakoj Odluci o verifikaciji dodjele priznanja Kantona Sarajevo za 2022.godinu, koje su na dnevnom redu Sedme sjednice Skupštine Kantona Sarajevo".

Zamolio bi zastupnice i zastupnike da se izjasne o pristiglom zaključku, zaključku SDP-a.

Zaključujem glasanje. Molim službu da objavi rezultate glasanja.

Za je glasalo 13, protiv 5, suzdržanih 9.

Konstatujem da Skupština nije prihvatila ovaj zaključak.

S obzirom da nemamo prijavljenih za raspravu, zaključujem raspravu i molim zastupnike da se izjasne o Prijedlogu odluke o verifikaciji odluka Odbora.

Niko nije bio, niko nije bio prijavljen.

Molim zastupnice i zastupnike da se izjasne o Prijedlogu odluka o verifikaciji Odluka Odbora za javna priznanja Kantona Sarajevo za 2022. godinu.

Zaključujem glasanjem. Molim službu da objavi rezultate glasanja.

Za je glasalo 12, protiv 2, suzdržanih 11.

Konstatujem da Skupština nije donijela ovu odluku.

Prelazimo na tačku 3.

Zastupnik Muamer Bandić, tražite pojedinačno?

Pojedinačno izjašnjavanje na zahtjev šefa Kluba Stranke za BiH.

Zastupnik Bandić se javio za riječ.

Muamer Bandić (poslanik/zastupnik)

Zamolio bih da pozovete skupštinske zastupnike iz hodnika da uđu da glasaju.

Elvedin Okerić (Predsjedavajući)

Zamolio bih službu da pozove zastupnike iz hodnika da se izjasne jer Poslovnik kaže kada ste u sali, morate glasati.

Evo da vidim jesu li u hodniku ili su izašli. Nema nikoga, izašli su. Dobro. Zamolio bih sekretara da krene sa pojedinačnim prozivanjem.

Niste tu svi, niste tu svi.

Zastupnik Muamer Bandić.

Muamer Bandić (poslanik/zastupnik)

Samo malo, jeste završili?

Poštujem stav kolege Kapidžića i volio bih da mi pokaže na koji član Poslovnika tačno misli kad kaže da nemam pravo da kao šef Kluba tražim pauzu u onom momentu kada ja to želim. Samo neka mi pokaže tačan član Poslovnika, ja ću to ispoštovati.

Elvedin Okerić (Predsjedavajući)

Poslovnička zastupnik Haris Zahiragić.

Haris Zahiragić (poslanik/zastupnik)

Dakle, kolega Bandić je u pravu, niko njega ne sprječava do u bilo kojoj fazi izjašnjavanja, pa čak između dva izjašnjavanja traži pauzu. Međutim u pravu je kolega Kapidžić kada kaže vjerovatno poučenim iskustvom od prije par sjednica, kada je na ovom elektronskom izjašnjavanju jedan broj ljudi glasao, a na pojedinačnom drugi broju ljudi glasao. Tako da bez obzira na pauzu, oni ljudi koji su izjašnjavali već sada o tački mogu se izjašnjavati na pojedinačnom, bez obzira da li bilo prisutni ili ne bili prisutni. Dakle ukoliko slučajno nisu bili prisutni u sali na glasanju, a prijavljeni su kroz karticu, mogu se izjasniti usmeno. Ako nisu prijavljeni na sjednici, prilikom izjašnjavanja prvog ne mogu se prijaviti ni naknadno na pojedinačno izjašnjavanje. Mislim da je to kolega Kapidžić htio da kaže. U suštini, obojica ste u pravu i nema uopšte razloga da se produbljujemo tu raspravu.

Elvedin Okerić (Predsjedavajući)

Kolega Bandiću, jel vi ostajete ovaj.

Odgovor na repliku? Zastupnik Muamer Bandić.

Muamer Bandić (poslanik/zastupnik)

Dakle, na ovaj način kako je to objasnio kolega Haris Zahiragić, on preudicira šta će se ustvari desiti nakon pauze, kako ćemo mi glasati, samo da završim. Ne znamo da li će se sjednica uopšte i nastaviti održati poslije ove pauze, to ćemo vidjeti. Dakle, mi sad tražimo pauzu od pola sata, sve ostalo kada dođemo ovdje na sjednicu, možemo da raspravljamo da li ima veći broj zastupnika u tom momentu nego što je sada. Ako se vratimo.

Elvedin Okerić (Predsjedavajući)

Pauza pola sata na zahtjev šefa Kluba Stanke za BiH.

NASTAVAK NAKON PAUZE

Elvedin Okerić (Predsjedavajući)

Nastavljamo sa sjednicom Skupštine Kantona Sarajevo. Zamolio bih sekretara da izvrši pojedinačno prozivanje.

Aida Zeković (Sekretar Skupštine)

Avdić Samir suzdržan

Bandić Muamer za

Bešlija Vildana suzdržana

Čampara Aljoša odsutan

Čengić Irfan suzdržan

Čičić Davor suzdržan

Dević Mahir za

Gaković Elza za

Gavrankapetanović – Smailbegović Fatima za

Handžić Vibor suzdržan

Hašimbegović Marijela suzdržana

Hodžić Admela odsutna

Izetbegović Sebiha odsutna

Kalem Adi suzdržan

Kapidžić Faruk protiv

Kapo Belma suzdržana

Klarić Sanela opravdano odsutna

Kristić Danijela za

Marjanović Damir odsutan

Mehmedagić Mersiha za

Melank Miomirka suzdržana

Memić Arijana za

Okerić Elvedin za

Pekić Jelena suzdržana

Petrović Kristina suzdržana

Pilav Ilijaz odsutan

Pobrić Rusmir za

Selmanović Faruk suzdržan

Šaljić Jasmin za

Viteškić Smiljana suzdržana

Vreto Elvis za

Vujović Vedrana suzdržana

Zahiragić Haris za

Zuhrić Albin odsutan

Elvedin Okerić (Predsjedavajući)

Za je glasalo 12 zastupnika, protiv 1, suzdržanih 14.

Konstatujem da Skupština nije usvojila ovu odluku.

Molim?

Pa nisam čuo. 12 je glasalo za, protiv 1, suzdržanih 14.

Konstatujem da Skupština nije usvojila ovu odluku.

AD-3, AD-4 i AD-5.

S obzirom da naredne tačke 3., 4. i 5. govore o istoj tematici Prijedlog odluke o izmjeni naziva ulica, odnosno preimenovanje ulice na području općine, Novog Grada, Starog Grada i području općine Centar predlažem da se izjasnimo, da objedinjenu vodimo raspravu.

Molim službu da pripremi anketu.

Ovo sam ispravno uradio kolega Čengiću zato što su došle tri odluke, a ovo smo imali jednu odluku. Ne, jedna tačka dnevnog reda je bila, više odluka, ali u jednoj tački dnevnog reda.

Možemo se izjasniti molim vas, možemo li se izjasniti.

Ko je za objedinjenu raspravu ove tri tačke 3., 4. i 5.?

Zaključujem raspravu. Molim službu da objavi rezultate glasanja. ZA je glasalo 26 zastupnika, protiv i suzdržanih nije bilo.

Konstatujem da je Skupština usvojilo prijedlog da objedinimo raspravu ove tri tačke dnevnog reda.

Materijal ste dobili uz poziv za sjednicu. Molim predstavnika predlagača da podnesu uvodne, Elvis Vreto, predsjedavajući Komisije.

Elvis Vreto (poslanik/zastupnik)

Hvala predsjedavajući. Komisija za obilježavanje, čuvanje i njegove historijskih događaja i ličnosti je utvrdila tri prijedloga ovih odluka, na različitim sjednicama, uputila u skupštinsku proceduru. Prva odluka se tiče imenovanja, odnosno preimenovanja ulica Zvornička od broja 1 do broja 61 po našem velikanu Ivici Osimu i nosit će naziv Bulevar Ivica Osim, na zahtjev Općinskog vijeća Novo Sarajevo, odnosno Općine Novo Sarajevo.

U materijalima ste mogli vidjeti da je prvobitno inicijativu pokrenuo Fudbalski klub Željezničar, da je Stranka demokratske akcije insistirala da se tačka dnevnog reda na Općinskom vijeću bude i upravo ta inicijativa, da je to prošlo sve procedure i danas Skupština može o tome se izjašnjavati. Što se tiče druge odluke, a vezano je za Opštinu Stari Grad, radi se o dijelu ceste na Trebeviću duž Bob staze do Vidikovca i da taj dio ceste nosi naziv Ulica, Alije Oruča. Radi se o maloljetnom borcu Armije Republike Bosne i Hercegovine. Isto tako, u materijalima ste sve dobili. Sve procedure su ispoštovane.

I imamo treću odluku da se dio od raskrsnice Alipašina do raskrsnice sa Ulicom Patriotske lige, koja do sada nije imala naziv uopšte, imenuje u ulicu Ibrahima Ibri Poplate. Ja ću samo navesti nekoliko podataka. Radi se o maloljetnom učesniku Narodno oslobodilačke borbi 41.- 45, pripadniku Armije Republike Bosne i Hercegovine, i čovjek koji je obavljao i javne funkcije. Eto toliko predsjedavajući. Mislim da je ovo dovoljno za uvod uvodne napomene, ako ima

nekih pitanja na raspolaganju sam. I samo da podsjetim da je Komisija sve ove odluke donijela jednoglasno, obzirom na sastav komisije da je čine različite političke stranke, evo, da upoznam zastupnike samo.

Elvedin Okerić (Predsjedavajući)

Hvala kolega Elvise. To što je Komisija donijela jednoglasno, to ništa ne znači, i maloprije smo imali odluke Odbora za javna priznanja da su jednoglasno donesene, međutim politike odlučile drugačije. Dobro.

Da li predstavnici radnih tijela žele riječ? Ima li pitanja? Zastupnica Vildana Bešlija. Izvolite, imate riječ?

Vildana Bešlija (poslanik/zastupnik)

Ja bih imala samo pitanje vezano za imenovanje, odnosno preimenovanje dijela Zvorničke ulice, kako je ovdje navedena u Bulevar Ivica Osima? Je li tzn. da se samo jedan dio ulice preimenuje jer ste naveli određeni ovaj određene brojeve ili je to u pitanju cijela ulica? Hvala vam.

Elvedin Okerić (Predsjedavajući)

Zastupnik Elvis Vreto, izvolite.

Elvis Vreto (poslanik/zastupnik)

Što se tiče ovog pitanja, evo ja sam u uvodnim napomenama naveo da se radi od broja 1 do 61. Po ovome se radi o dijelu ulice jedan mali dio još ostaje Zvorničke i to je, naravno, pojas u stadion Fudbalskog kluba Željezničar na Grbavici.

Elvedin Okerić (Predsjedavajući)

Nema više prijavljenih za pitanja. Otvaram raspravu. Zaključujem raspravu.

Molim zastupnike da se izjasne o Prijedlogu odluke o izmjeni naziva ulice, odnosno preimenovane ulice na području Općine Novo Sarajevo.

Zaključujem glasanje, molim službu da objavi rezultate glasanja. Za je glasalo 25, protiv i suzdržanih nije bilo.

Konstatujem da je Skupština donijela ovu odluku.

Molim zastupnike da pristupe izjašnjavaњу o Prijedlogu odluke o davanju naziva cesti na području Općine Stari Grad Sarajevo.

Zaključujem glasanje, molim službu da objavi rezultate glasanja. Za je glasalo 26, protiv i suzdržanih nije bilo.

Konstatujem je Skupština donijela ovu odluku.

Molim zastupnike da pristupe izjašnjavaњу o Prijedlogu odluke o davanju naziva dijelu ulice na području Općine Centar.

Zaključujem glasanje. Molim službu da objavi rezultate glasanja.

Za je glasalo 26, protiv i suzdržanih nije bilo.

Konstatujem je Skupština donijela ovu odluku.

Prelazimo na tačku 6.

AD-6.

Prijedlog odluke o imenovanju Etičkog vijeća Skupštine Kantona Sarajevo

Prijedlog odluke ste dobili u dopunskom materijalu.

S obzirom da sam predsjedavajući Komisije za izbor, imenovanja i administrativna pitanje ukratko ću podnijeti uvodne napomene u ime predlagača. Komisija za izbor, imenovanja i administrativna pitanja Skupština Kantona Sarajevo na sjednicu održanoj dana 12. 4. 2023 godine, u skladu sa članom 37. Poslovnika Skupštine Kantona Sarajevo utvrdila je Prijedlog odluke o imenovanju Etičkog vijeća Skupština Kantona Sarajevu, koja vam je dostavljena na razmatranje i donošenje.

Da li predstavnici radnih tijela žele riječ? Ima li pitanja? Otvaram raspravu.

Zaključujem raspravu, molim zastupnike da pristupe izjašnjavaњу o Prijedlog odluke o imenovanju Etičkog vijeća Skupština Kantona Sarajevo.

Zaključujem glasanje. Molim službu da objavi rezultate glasanja. Za je glasalo 25, protiv i suzdržanih nije bilo. Konstatujem da je Skupština donijela ovu odluku.

Prelazimo na tačku 7.

AD-7.

Prijedlog odluke o izmjeni Odluke o izboru predsjedavajućih, zamjenika predsjedavajućih, članova stalnih radnih tijela Skupštine Kantona Sarajevo

Prijedlog odluke ste dobili u dopunskom materijalu. Također ću iskoristiti priliku s obzirom da sam predsjedavajući Komisije, nadležne Komisije za izbor, imenovanja i administrativna pitanja, ukratko ću podnijeti uvodne napomene.

Komisija za izbor, imenovanja i administrativna pitanja Skupštine Kantona Sarajevo na sjednici održanoj dana 12. 4. 2023. godine u skladu sa članom 37. Poslovnika Skupština Kantona Sarajevo utvrdila je Prijedlog odluke o izmjeni odluke o izboru predsjedavajućih, zamjenika predsjedavajućih, članova stalnih radnih tijela Skupštine Kantona Sarajevo, koja vam je dostavljena na razmatranje i donošenje.

Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

Molim zastupnike da pristupe izjašnjavaњу o Prijedlog odluke o izmjeni Odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo.

Zaključujem glasanjem. Molim službu da objavi rezultate. Za je glasalo 25, protiv i suzdržanih nije bilo.

Konstatujem da je Skupština donijela ovu odluku.

Prelazimo na tačku 8.

AD-8.

Program obilježavanja Dana Kantona Sarajevo od 02. do 09. 5. 2023. godine

Prijedlog zaključka ste dobili u dopunskom materijalu. Molim predstavnika predlagača da podnese uvodne napomene.

Sačekat ćemo 5 minuta, dolazi. Hvala.

Nastavljamo dalje sa sjednicom. Da li nam treba uvodno izlaganje? Ne treba. Hvala vam. Da li predstavnici radnih tijela žele riječ? Ima li pitanja? Promijenio je mišljenje. Otvaram raspravu, zaključujem raspravu.

Molim zastupnike da pristupe izjašnjavanju o Prijedlogu programa obilježavanja Dana Kantona Sarajevo od 02 do 9. 5. 2023. godine.

Zaključujem glasanje. Molim službu da objavi rezultate glasanja. Za je glasalo 24, protiv i suzdržanih nije bilo, konstatujem da je Skupština donijela ovaj zaključak.

Koristim ovu priliku da svim pripadnicima islamske vjeroispovijesti u Kantonu Sarajevo i u Bosni i Hercegovini upućujem iskrene, uputim iskrene čestitke za nastupajuće ramazanske blagdane. Bajram Šerif Mubarek Olsun sa željom da ih provedu u zdravlju, miru, veselju sa svojim porodicama i prijateljima.

S obzirom da smo iscrpili sve tačke današnje dnevnog reda, ovim završavamo današnju sjednicu.